

宋

會

要

匹帛宋會要

匹帛

始乾德五年迄乾道八年

凡稅租之入羅八百六十匹兩浙路夏八百六十匹

綾一萬四千二百九十一匹京東西路夏四千三十

二匹河北東路夏七千三百一十五匹淮南西路夏二

千八百七十一匹愛州路夏八十三匹緡二百九十

三萬五千五百八十六匹府界夏四萬六千三百七

二千疑二十十二匹京東東路夏二千六萬三千一百九十四匹秋

一萬九千六百四十六匹西路夏二十萬七千五百八

十九匹京西南路夏一萬八千四百九十七匹秋三匹

北路夏二十九萬八千二百五十九匹西路夏二十三

萬九百一十一匹淮南東路夏四萬六百六十六匹西路

夏三萬九千三十八匹西浙路夏六十七萬三千九匹江
南路夏三十六萬七千一百一匹秋一萬六千六百四
十八匹西路夏一十萬五千四百七十八匹秋六十匹
荆湖南路夏四十五匹北路夏一十二萬二千六十四
匹秋九千七十三匹福建路夏二萬八千五百四十五
匹成都濟路夏六萬三千七百六十匹梓州路夏一十
二萬一千三百八匹秋九萬二千八十八匹利州路夏
六萬五千八百六十匹秋四萬五千七百九十匹夔州
路夏一萬七千一百七十六匹秋二千二百六十四匹
純四萬七千八百六十一匹京西北路夏四十二
匹河東路夏二萬二千七百二十六匹秋三匹淮南東

路夏二千一百四十九匹西路夏二千二百四十七匹
荆湖南路夏二萬六千九百九十四匹紬四十一萬五千
五百七十匹府界夏三千八百五十一匹京東東路
夏二萬五千五百三十二匹秋七千七百二十一匹西路
夏二萬一千五百七十四匹京西南路夏二千五百一
十四匹北路夏三千五百三十匹河東路夏五萬二千
九百八十八匹西路夏四萬七百五十三匹淮南東路
夏一萬五百三十七匹西路夏八千三百一匹兩浙路
夏一十萬四千二百五十六匹江南東路夏六萬二千
六十七匹秋二百二十一匹西路秋二十五匹荆湖北
路夏一萬一千七百五十三匹秋一萬二千七百五十

三匹成都府路夏一萬一千七百三匹梓州路夏一萬
四千七百五匹秋五千七百八十匹利州路夏九千四
十六匹秋二千六百三十匹夔州路夏四千六百七十六
匹秋四十六匹布四十八萬七千八百四十七匹端
京東路夏二百七十九匹秋四萬五千五百五十八匹
京西南路夏六萬九百六十一匹端永興軍等路秋八
百端秦鳳路秋三百五匹河東路夏一十萬九千六百一
十八匹端秋四萬一千四百九十八匹端淮南東路夏九
千九百一十八匹秋五百四匹夏西路夏二千三百八
十九匹秋九匹江南東路夏九千三百一十匹秋五百
八十六匹西路夏二千八百八匹荆湖南路夏七萬三

千七百七十二匹北路夏一萬二千九百一十匹秋二
千六百七十一匹廣南西路夏一十萬五千六百四十
七匹成都府路夏四千五百五十四匹利州路秋二十
二匹綿綿九百一十一萬五千四百二十一兩府
界夏一十七萬六千三百三十三兩京東東路夏三萬五千
九十九兩西路夏四十六萬九千三百三十二兩京西
南路夏六萬二千九百二十八兩北路夏五十萬八千
二十三兩秋三百九十二兩永興軍路夏一百一兩秦
鳳路夏一千二百二十六兩河北路東夏六十一萬八千
八百四兩西路夏九十五萬五千八兩河東路夏八十六
兩淮南東路夏六十六萬二千八百三十五兩西路夏

四十五萬二千五百九十五兩兩浙路夏二百萬四千
八百兩江南東路一百一十九萬八千二百四十四兩
西路夏三十四萬四千七百八十四兩荆湖北路夏一
十九萬八千一百一兩成都府路夏八十三萬一千五
百五兩梓州路夏三十萬七千六百五十兩秋一十二
萬三千七百三十四兩利州路夏一十五萬六千五百
六兩秋三萬八千一百六十四兩夔州路夏九萬四千
四百三十九兩 凡山澤之利 綾四萬四千七百七
匹 鹽利五百二十二匹榷易三千一百八十七匹諸
路雜稅官鹽一匹買撲五十九匹酒麴買撲三千一百
二十六匹房園一匹入中博糴買賣_三萬七千八百一

十一匹 羅五萬七千九百三十二匹 入中博羅買賣
五萬七千九百三十二匹 緡三百九十九萬八千七
百一十八匹 鹽利一十二萬二百八匹 茶租一千九百
一十六匹 川陝路鹽井課利十二萬二百八匹 權易一
十五萬四千八百三匹 府界買撲酒麴九匹 房園五十
四匹 諸路雜稅官鹽五百九十六匹 買撲八千五百四
十四匹 酒麴買撲一十四萬六千二百二十二匹 房園四千
九百七十八匹 入中博羅買賣三百四十四萬六千七
百六十匹 紬八十萬二千九百二十七匹 鹽利三
萬九千五百五十五匹 茶租二千一十匹 川陝西路鹽井課
利三萬九千五百五十五匹 權易五萬七千二百六匹 諸路

雜稅官鹽一百五匹買樸二千三百六十八匹酒麴買
樸五萬四千六百六十四匹房園六十九匹入中博羅
買賣六十萬八千三百九十五匹布一百九萬九千
六百二十六匹端鹽利一百九十五匹推易一萬三
百九匹端諸路雜稅官鹽五端買樸一百三十四匹端
酒麴買樸一萬一百六十九匹端房園一匹市舶三百
三十五匹段入中博羅買賣一百七萬八千四百七十
八匹端絲綿四百六萬六千五百五十四兩鹽利
七萬一千九百三十一兩川陝路鹽井課利七萬一千
九百三十一兩推易二十六萬九千九百一十一兩府
界買樸酒麴二百七十五兩房園一百七十三兩諸路

雜稅買樸一萬一千七百五十一兩酒麴買樸二十五萬一千一百一十四兩房園六千五百九十八兩入中博羅買賣三百三十八萬二千八百七十兩 凡歲總收之數 錦綺鹿胎透背九千六百一十五匹 在京二千七百九十九匹諸路三千四百八匹京東東路二百五十匹秦鳳路一匹河北西路一千二百四十六匹兩浙路一十匹福建路二段廣南東路一匹成都府路一千九十四匹段梓州路八百四匹段 羅一十六萬六百二十匹 在京三百一十四匹諸路八萬二百三匹京東東路四匹西路七匹永興軍路一匹河北東路四匹西路一十八匹淮南東路二十二匹西路一十二

匹兩浙路六萬五千七百三十一匹江南東路一萬二
千四百九匹西路一匹荆湖北路四十二匹福建路二
十八匹廣南東路一匹西路一匹成都府路一千五百
二十四匹梓州路四百一十八匹綾十四萬七千三
百八十五匹在京一千三百一十四匹諸路七萬二
千九百九十五匹京東東路四百四十七匹西路五千
四百六十八匹京西南路三匹北路二十五匹永興軍
路六十匹秦鳳路一十四匹河北東路二萬二千三百
二十一匹西路三十五匹河東路三百七十九匹淮南
東路七匹西路四千一百六匹兩浙路一千三百六十
九匹江南東路一千四匹西路四匹荆湖北路五匹南

路七匹福建路四十三匹廣南東路一十二匹成都府
路一萬六千七百九十三匹梓州路二萬六百匹利州
路一千二百八十九匹夔州路八十八匹 緡五百三
十八萬二千七百九匹 在京七千五百七十八匹京
西南路一十三萬七千三百九十六匹北路一十一萬
三千九百四十匹永興軍路六十六匹秦鳳路三十七
百一十七匹河北東路六十七萬九千四百七十匹西
路三十二萬三千八百九十九匹河東路一百六十八
匹淮南東路七萬一千五十一匹西路六萬五百三十
七匹兩浙路一百六十六萬七千二百八十五匹江南
東路六十萬六千三百三十四匹西路四十二萬八千

一千疑一十

一十匹荆湖北路三十一萬二千九百二十三匹南路
七千九百三匹福建路二萬八千九百一匹廣南東路
五百九十四匹西路五百七十匹成都府路三十三萬
七千三百五十七匹梓州路三十八萬一千三百五十
三匹利州路一千九萬九百二十三匹夔州路二萬八
千九百三十五匹 絕綾穀子隔織一千一萬一千七
百一十六匹在京一千七百四十六匹諸路五萬四千
九百九十匹京東東路二十四匹西路一百九十八匹
京西南路二十三匹北路一百六十匹永興軍路三十
六匹秦鳳路三匹河北東路八匹西路一十二匹河東
路二萬二千八百二十一匹淮南東路二千五百匹西

路二千六百一十四匹兩浙路三百七十六匹江南東
路一十匹西路二匹荆湖北路三匹南路二萬三千七
百五十匹福建路七十五匹廣南東路五十匹西路四
百三十匹成都府路一千八百二十一匹梓州路六十
九匹利州路三匹紬二百二十九萬九百六十六匹
在京三百九十匹府界三千八百五十一匹諸路一百
一十七萬三千二百六十六匹京東東路一十萬二千
八百二匹西路八萬七千八百七十匹京西南路一萬
七千一百八匹北路四萬八百六十六匹永興路一千
一百二十三匹秦鳳路三百七十五匹河北東路八萬
九千五十九匹西路五萬六百二十七匹河東路三十

三匹淮南東路二萬六百五十五匹西路一萬八千九
百三十九匹西浙路一十七萬一千五百一十一匹江
南東路一十八萬四千八百一匹西路七萬五千九百
五十一匹荆湖北路七萬二千五百四匹南路二千二
百六十三匹福建路二十六匹廣南東路四匹西路三
匹成都府路八萬六千三百二十九匹梓州路八萬七
千五百二十六匹利州路五萬三千一百五十二匹夔
州路九千七百四十匹布三百一十九萬二千七百
六十五匹端陵在京二十八匹府界九匹段諸路一
百五十九萬六千三百六十四匹京東東路一十九萬
六千二百八十三匹西路二百四十二匹京西南路七

萬八千六百八十匹北路四百四十一匹永興軍路一
千五百一十一匹秦鳳路六百五十三匹河北東路一
十二萬八千九百八匹西路一十二萬四千一百二十
七匹河東路一十五萬九百九十匹端淮南東路一萬
一千二百一十四匹西路三千八百七十匹兩浙路三
千三百七十二匹江南東路一萬一千四匹西路五千
四十七匹荆湖北路一萬七千二百二十三匹南路一
十萬一千九百六十二匹福建路九百九十五匹廣南
東路四百六十二匹西路一十七萬九千七百九十一
匹成都府路五十五萬四千七百三十九匹梓州路一
萬一千七百八十七匹利州路五百八十五匹夔州路

二千四百七十八匹

絲綿葺線一千三百八十五萬

二千七百九十七兩

在京四十六萬四千八百七十

四兩府界一十七萬三千一百七十九兩諸路一千三

百一十一萬七千六百三十七兩京東東路二十二萬

九千三百五十四兩西路五十一萬五千六百七十七

兩京西南路一十五萬一千三百七十五兩北路六十

三萬七千三百六十六兩永興軍路四萬一百四十八

兩秦鳳路一萬六千八百二十三兩河北東路一百一

十三萬四千六百五十三兩西路一百三十三萬四千

一百二十七兩河東路五千七百九十九兩淮南東路

七十一萬七千二十八兩西路四十七萬四千五百三

十兩兩浙路二百九萬五千三百四十五兩江南東路
一百三十萬九千一百三十九兩西路三十六萬八千
一百九十六兩荆湖北路二十二萬九千四百三十三
兩南路一十萬一千九百六十二兩福建路三萬三千
四百四十八兩廣南東路二萬六千六百四十七兩西
路四百八十九兩成都府路一百四十八萬四百八十
兩梓州路一百二十三萬四千七百二兩利州路八十
五萬四千九百一十三兩夔州路一十萬四千一百一
十三兩 雜色匹帛五萬六千一百三十一匹在京二
萬七千八百八十九匹府界二匹諸路一萬四千一百
二十匹京東東路九十一匹西路一百五十八匹京西

南路六十五匹北路六百二匹永興軍路三百一十一匹秦鳳路一百六十匹河北東路八百五十四匹西路一百二匹河東路三百四十四匹淮南東路四十七匹西路一百九匹兩浙路一百七十八匹江東東路二百二十八匹西路一十八匹荆湖北路一百六十三匹南路八十一匹福建路五百九十三匹廣南東路三百二十七匹西路一十五匹成都府路三百一十五匹梓州路七千九百七十二匹利州路一千一百三匹夔州路三百八十四匹凡諸路鋪紵鹿胎透背一千一十匹京東東路二百五十匹淮南西路一匹成都府路七百五十九匹羅一十萬六千四百八十一匹河北西

路四匹淮南東路二萬四千七百五十匹西路五匹兩
浙路六萬九千六百五十七匹江南東路一萬一百一
十四匹成都府路一千九百四十二匹綾四萬四千
九百六匹京東東路五十二匹西路一萬一千四百
匹河北東路一萬六百匹河東路三匹淮南西路六千
四百一十七匹兩浙路二千二十九匹江南西路三匹
成都路六千一百二十六匹梓州路八千三百三十匹
綰二百八十七萬六千一百五匹府界二萬一千
五百七十七匹京東東路三十九萬八千八百四十九
匹西路二十九萬六千八百一十二匹京西南路二萬
一千七百六十五匹北路二萬一千七百九十一匹河

北東路一萬二千匹西路七千匹淮南東路一十二萬
一千七百六十八匹西路八萬四千一百九十一匹兩
浙路一百五萬八千五十二匹江南東路四十萬五千
八百三十四匹西路三十二萬七百八十七匹荆湖北
路八萬四千七百三十三匹成都府路七千三百六十
九匹梓州路一萬三千六百七十二匹利州路一十五
匹絕鈔穀子隔鐵通身六千六百一十一匹段京
東東路一十六京西北路三百七十五匹河東路一匹
淮南東路一千七百六十三匹西路二千九百二十八
匹兩浙路一十九匹成都府路一千四百四十二匹梓
州路六十七匹紬四十六萬八千七百四十四匹

京東東路七萬七千五百九十六匹京西南路三千四百三十九匹北路四千九百二十七匹河北東路一百六匹淮南東路三萬五千三百匹西路三萬七千六百三十六匹兩浙路一十二萬四千二百八十五匹江南東路九萬三百三十匹西路六萬四千八百八十七匹荆湖北路二萬九千七十一匹成都府路三十四匹梓州路二千一百八十三匹布五十五萬五千八百二十九匹端 京東東路七萬六千九百六十六匹西路七千八百三十匹河東路一端淮南西路一匹江南東路七百三十匹西路一匹荆湖南路一十二萬三千四十匹北路三十五萬一千六百一十九匹端福建路二百匹

成都府路七百八匹梓州路一千四匹

綿絲二百三

十六萬五千八百四十八兩

京東東路一十一萬九

九千一百一十二兩西路二千兩淮南東路九萬六千

二百七十九兩西路三萬五千四百二十九兩兩浙路

一百六十一萬三千三百七十九兩西路三萬五千四

百二十九兩兩浙路一百六十一萬三千三百九十八

兩江南東路四十萬八千九百四十三兩西路九萬一

千兩荆湖北路六百七十五兩成都府路一十二兩

雜色匹帛四萬八千九百五十一匹京東東路五

匹西路二匹河東路二匹成都府路二萬八千七百六

十七匹梓州路二萬一百七十三匹利州路二匹

諸

路合發布帛提數 紬三十九萬九千八百三十六匹
三丈四尺 絹二百一十萬四千七百四十四匹一尺
六寸羅二萬一千一百二十四匹 綾四萬八千二百
三十三匹 平統三千匹 布七十七萬一千匹端紫
碧絳一百八十匹 錦一千七百匹 浙東路 上供
紬八萬四千九百六十四匹內折錢六萬七千四百六
十二匹一丈二尺折綾四千一百四十匹本色一萬三
千三百六十一匹三丈絹四十三萬六千九匹內折錢
一十萬八千六百三十五匹三丈三尺本色三十二萬
七千三百七十三匹九尺羅二萬一千一百二十四匹
綾五千二百三十四匹淮衣紬八千六百一十一匹內

折錢六十八百八十九匹折綾七百五十二匹本色九
百七十匹絹四萬九千三百三十二匹內折錢一萬四
千八百匹本色三萬四千五百三十二匹福衣紬七百一
五十七匹絹三千七百八十匹天申節絹四千五百匹
大禮絹三千五百匹 浙西路 上供紬九萬二千八
百匹內折錢五萬八千三十四匹折綾一萬二千三
百匹本色二萬二千四百三十一匹絹三十八萬一千
二百二十九匹內折錢一十四萬三千八百五十二匹
四尺二寸本色二十三萬七千三百七十六匹三文七
尺八寸綾八千七百六十六匹淮衣紬一萬六千三百
二十八匹內折錢一萬一千二百四十二匹本色四千

二百七十八匹絹一十三萬六千八百五匹內折錢三萬九千四百二十一匹三丈一尺本色九萬七千三百九十三匹三丈一尺福衣絹一千四百四十匹天申節絹七十匹大禮絹三千七百匹江東路上供紬九萬八千八百七十餘匹內折錢七萬九千二十四匹本色一萬九千八百四十八匹絹四十萬六千三百三十餘匹內折錢一十一萬九千六百五十八匹本色二十八萬六千六百七十四匹淮衣紬二萬六千五百三十餘匹內折錢二萬一千二百二十九匹本色五千三百一十六匹絹一十三萬七千九百五十餘匹內折四萬一千三百八十六匹本色九萬六千五百六十八匹浙衣紬

六百匹絹二萬八千匹福衣紬一千一百九十七匹絹
四千五百六十八匹半天申節絹三千匹大札絹五千
五百匹江西路上供紬五萬二千五百八匹內折
錢四萬二千六匹一丈六尺八寸本色一萬五百一匹
二丈五尺三寸絹三十萬五千四百七十五匹內折錢
九萬一千六百四十二匹二丈三尺一寸本色二十一
萬三千八百三十二匹二丈五尺九寸淮衣紬一萬三
千四百一十八匹三丈四尺內折錢一萬七百三十五
匹二尺本色二千六百八十三匹三尺絹六萬七千二
百四十五匹八尺內折錢二萬一百七十三匹二丈三
尺四寸本色四萬七千七十一匹二丈六尺六寸福衣

紬二千一十二匹絹七十五百六十八匹天申節絹五

千匹大禮進奉絹四千七百匹淮東路天申節絹

一千二百五十匹大禮絹三千七百匹淮西路大

禮絹三千七百匹湖南路上供平純三千匹天申

節絹二百匹大禮二百匹湖北路上供紬三百七十

七匹絹三千九百五十九匹五丈三尺八寸布八百匹

天申節絹九百匹大禮進奉絹四千二百匹廣東路

天申節絹一千六百匹大禮絹三千匹已上並折銀

廣西路上供布一十萬匹折錢天申節絹三千二百

五十匹大禮絹三千二百五十匹並折錢成都府路

上供羅四十五匹布六十七萬二百匹紫碧綺一百

八十匹生大綾七千八百六十五匹錦一千七百段天
申節絹六千五百匹大禮絹六千^五百一 潼川^府路 上
供綾二萬六千三百六十八匹絹一萬一千一百七十
匹天申節絹五千三百匹大禮絹五千三百匹 夔州
路 上供紬八百六十匹絹二萬二千三百三十二匹
天申節絹三千五百匹大禮絹三千五百匹 利州路
上供絹一千五百匹天申節絹四千五十匹大禮絹
四千二百五十匹 浙東路 上供紬一萬三千三百
六十一匹三文絹三十二萬七千三百七十三匹九尺
綿六十四萬七千五百三十四兩五錢絲二萬五千三
百八十九兩羅二萬一千一百二十四匹綾五千二百

三十四匹淮衣紬九百七十匹絹三萬四千五百三十
二匹福衣紬七百五十七匹絹三千七百八十匹綿三
萬二千二百四十一兩五錢 浙西路 上供紬二萬
二十四百三十匹絹二十三萬七千三百七十六匹三
丈七尺八寸綿二十四萬一千五百九十六兩五錢絲
七萬五千兩綾八千七百六十六匹淮衣紬四千二百
七十八匹絹九萬七千三百九十三匹二丈一尺福衣
紬一千四百四十匹 江東路 上供紬一萬九千八
百五十二匹三丈七尺八寸絹二十八萬六千六百八
十一匹二丈六尺六寸絲二萬八千二十二兩綿六十
一萬四千四百七十二兩二錢淮衣紬五千三百八匹

絹九萬六千五百七十二匹浙衣紬六百匹絹二萬八

千匹綿八萬五十兩福衣紬一萬千九百九十七匹絹四

千五百六十八匹半綿一萬九千四十七兩江西路

上供紬一萬五百一匹二丈五尺二寸絹二十一萬

三千八百三十二匹二丈五尺九寸絲五萬二百兩綿

八萬六千三百六十四兩淮衣紬二千六百八十三匹

三丈二尺絹四萬七千七十一匹二丈六尺六寸福衣

紬二十一十二匹絹二千五百六十八匹半綿二萬九

千六百七十四兩湖南路 上供平絕二千匹 湖

北路 上供紬三百七十七匹絹四千八十三匹八尺

四寸 絲一萬二千四百四十九兩六錢布八百端

利州路 上供紬一千五百匹絲四十兩 成都府路

上供紫碧綺一百八十匹重大綾七十八百六十五匹川毛布三百匹錦一千七百段布六十七萬匹 潼川府路 上供綾二萬六千三百六十八匹絹一萬一千一百七十匹絲二萬兩 夔州路 上供紬二萬二千三百三十二匹紬八百六十匹綿一萬四千兩 已上十路據戶部供到合發上供外餘福建京西廣東廣西淮東淮西六路並無合發數 雜錄 太祖乾德五年十月命水部郎中于繼微監視綾錦院朝廷平蜀得綾錦工人乃於國門東南創置機杆院始命繼微監領焉 十二月詔曰布帛之用世道攸資行濫之禁律文

具載而商賈末奸偽萌生塗以粉藥因而規利漬亂典
刑無甚于茲自今宜禁民不得輒以紕疎布帛鬻於市
及塗粉入藥吏察捕之重寘其罪 開寶四年三月監
綾錦院右拾遺梁周翰言在院見管戶頭逐人料錢七
百文糧三石五斗口食米豆六斗各用女工三四人每
人月糧二石米豆又六斛有一戶頭并女工共請一十
六石五斗者或少者一十三石五斗者每人只管機三
四張供應事襦線線染練紡絡又別破錢并物料或布
帛低弱即科校匠人戶頭不管欲乞不置戶頭令工匠
自管供机各與女工一分請受所責濟贍得匠人內有
貧者恐散失物料即上歷旋給庶令均濟又看驗大小

小疑誤

小錦並皆顏色淺淡每匹中錦破深紅線九兩三分花
八斤昨令匠人當面入染每匹減下花一斤比舊顏色
鮮好逐料更有餘剩花計至年終極有出剩所收出剩
乞逐季具數中奏從之 太宗太平興國六年廢湖州
織綾務工二十人送京師女工五十八人悉縱之 七
年八月詔曰淫巧之蕩人心載記申乎訓戒纂組之害
女工漢詔形於深諭方今務修儉德以敦俗化而侈靡
猶競淳素未隆宜頒畫一之規以申率下之義宜令諸
處市買場及織造院除供軍綾羅絁布紬絹綿外其錦
綺鹿胎透背六銖歇正毫殼等匹段不得更買及織造
民間有織賣者勿禁川陝諸州匹帛絲綿紬布之類堪

脩軍裝者商人不得私市取販幣 九年十月詔曰有
帛精粗不中數幅廣狹不中量不幣於市斯古制也頗
聞民間所織錦綺綾羅及它匹帛多幅狹不中程式及
紕疎輕弱加藥塗粉以欺誑販幣因而規利宜令兩京
諸州告諭民所織匹帛須及程式賣肆之未售者限以
百日當盡幣之民敢違詔復織募告者三分賞其一
淳化元年八月詔川陝諸州官歲市絲綿紬布絹帛等
不能充舊貫蓋賈人利市侵其利自今嚴禁之限詔到
賈人先所市者悉送所在官官以市價償之藏匿者寘
於法初諸州上供絹皆常度外長數尺及西上閤門副
使張昭允內班都知馮守規類知左右藏庫裂取餘者

折錢織

付染所上官雜染以備他用每歲獲羨數甚衆既而士卒受冬服度之不及程昭允等悉坐免至道元年二月詔杭州置織室歲市諸郡絲給其用真宗咸平元

年七月廣南西路轉運使陳堯叟言準詔勸課人民栽種桑棗切緣嶺外惟產苧麻望令折數許官吏書厯為課仍許織布赴官場以錢博市每匹準錢百五十至二百仍免其筭稅如私自貿易不在免限從之九月敕錦院以新織絹上進是院舊有錦綺机四百餘帝令停作改織絹馬十月詔揚州折博羅九萬二千三百餘匹輕弱不中度三司大夫於拘檢合行推鞠用戒因循但以歲月稍深干繫者衆慮成追擾特示寬務其干繫官

吏吏不問罪償復有犯斷訖仍勒備償 二年四月廢
常州羅務 六年正月戶部言乞令江南兩浙轉運司
輸轄下州軍人民今後不得織造短狹縑帛市易致悞
公私使用如違乞依法科罪帝曰風俗所用已久官司
驟行改革恐民間不知悞有犯者可先行曉諭限百日
內改造如違方得科罪 景德二年二月詔諸路所市
上供紬絹減三分之一 六月禁造行濫物帛申舊制
也 三年五月詔潤州造羅務人工仍舊限十二日成
一匹時有言舊限如此王子如制置江淮減勒一月日
限既促功課不供比至年終頗用笞撻故有是詔仍命
劉承珪察京師庫務有類此不便事條例以聞 大中

祥符三年閏二月九日河北轉運使李士衡言本路歲
給諸軍帛七十萬民間罕有給錢常預假於豪民出倍
稱之息及期則輸賦之外先償逋負以是工机之利愈
薄請令^官預給帛錢俾及時輸送則民利獲而官亦
足用從之仍令優與其直 八年七月詔并州置場中
買軍人所給衣絹初言事者稱并州軍衣歲給絹四萬
餘匹並自京輦送如聞軍中得之悉以貿易土絕起今
如有願中賣入官者每匹官給錢千二百文可省輦送
之半詔三司定特悉以為便故從其請 九月詔三司
給沿邊戍兵冬衣不得以輕纖物帛充支初河北轉運
司言欲以轄下諸州買撲酒課及次遠軍州折納紬絹

充軍衣却以天雄軍等處上供帝處其虧軍士故有是

命 九年八月詔三司道府上供物帛並須四十尺以

上其輕纖短狹者收其直罪之 天禧元年三月三司

請令益州罷供鹿胎透背悉以衣帛上供以給軍衣帝

曰此色皆內藏此實每郊禮以充賞給罷之非便令三

司與內藏同議以聞乾興元年十二月 仁宗即位未改

元 三司言臣僚奏兩川遠地所產雖富般運實多收買

折料豈無虧損纖造漆記寧不廢工押綱衙前雖有酬

獎戶下小客最受辛勤俱荷照臨誠宜軫恤欲乞益梓

兩路州軍綱運量與減放三二分庶便民俗下三司詳

定三司言自來計度聖節端午十月一日內人春冬衣

賜并準脩取索及國信往來南郊支用綾羅錦綺鹿胎
透背軟正生白大小綾花紗絹等下並梓州兩路織買
出洊計綱上京令除三十五匹及全減不織外餘綾羅鹿
胎透背軟正生白大小綾花紗絹等欲且依舊所賣支
用不至悞闕又勘會並梓利夔四路州軍每年買納紬
絹絲綿除應副陝西河東京西州軍及本路衣賜支遣
外餘有剩數即上京送納元不曾椿定數目每年自西
川水路起發布帛六十六萬匹赴京南路轉般上京並
副在京并京西州軍衣賜難議減省欲且依舊從之
仁宗天聖元年二月裁造院言每年所造諸節衣服萬
數甚多枉費人工欲望自今逐節除十月一日端午非

況傳宣造作料次依舊造成送納其長寧乾元兩節並料段送納支遣詔今年乾元節合支衣服依舊縫造送納外餘從之 七月二十八日三司監鐵副使俞獻可言川界每年織造錦綺鹿胎等所破物料倍有損費欲望似此不急之物除支賜近上武臣及蕃戎并合要緣飾只令在京量事織造其餘權且停止詔三司會勘以聞 二年四月四日工部侍郎知池州李虛已言天下州縣每年春初預先支官錢和買紬絹頗聞煩擾乞不更行均配詔今後支紬絹價錢並取人戶情願其不出產州軍不得一例抑配 三年七月二日淮南江浙荆湖制置都大發運副使方仲荀言乞斷絕諸州軍短狹

紕疏粉藥匹帛及新小砂錫錢帝曰約束錢帛前後條目已繁止令三司下淮南江浙荆湖轉運司申明指揮

四年閏五月詔綾錦院自今不得衷私織造異色花紋匹段及御服顏色机樣委本院監官覺察并許人陳首所犯人當行嚴斷 二月二十八日中書門下言蓋

梓等州每年織造錦綺鹿胎透背段子款正等累有臣僚上言科率勞擾况錦繡纂組尤費慧絲雖未能全行禁止欲乞漸次減數織造帝曰川西至遠非惟織造勞費亦不易津置令每年數內特減一半 五年正月二

十一日中書門下言西川蓋梓等州每年織造錦綺鹿胎透背段子款正等權減一半外餘生熟黃白大小綾

花紗元未減省累據臣僚言乞下益梓兩路轉運司權
住織造一併織絹應副諸州軍及邊上支費帝曰速與
行遣宰臣王曾等奏錦繡纂^組有害無益約計每錦繡一
端可織絹數匹如此指揮實為至便 八年十月三司
言江南西路轉運使苗楨言檢會轄下一十州軍每春
冬衣賜數內三衣布除興國軍支遣得足外餘洪虔等
九州年支布五萬匹自来並從福建路州軍收買轉般
應副觀其裨布全然粗疏不堪裝着軍人請到貨賣價
少自来於福泉漳州興化軍四處置場收買每匹價錢
并津般往回官錢三百四十九文軍人出賣得錢三百
一十一文省亦有只得百五十六文足錢去處以此比

做實兩虧損今欲酌中取洪州定支布價每匹三百二
二十文省令洪虔等九州依例給見錢所是元支破買
布價錢仍乞令本司勘會酌實貫伯每年發送赴當路
交納應吏副春冬支給布價省司勘會洪虔等九州軍
分折各情願乞依洪州例請領衣布價錢乞令福建路
轉運司將每買布價錢般運赴江南西路州軍下卽應
副支給軍人布價又緣見錢脚重陸路難以津般今更
不行外仍乞下福建轉運司今後更不科買絲布將每
年合買賣錢於出產銀貨州軍收買錠銀計綱上京送
納從之 十二月三司言乞依每年例拋數下京東路
轉運司預支綱納價及時收買詔準去年例施行 明

道二年十月十二日詔已令三司將在京庫藏內珠玉犀牙閑雜物色物變轉貨賣外其西川織造上供綾羅錦綺等項議特行減省詔曰朕祇膺先訓寅奉寶圖發一念必在於政經舉一事必先於教本庶博古治用澄化源自惟臨御以來性崇儉素慕衣綈之光屬遵抵璧之令猷冀厚民風期臻淳朴去奢務本斯為至懷乃者昭示攸司悉索長物珠璣犀象減貿貨泉願彼坤維俗善纂組苟浮靡而呈技慮糾組之有妨不戒纖華將害有益特頒明命興時作程應東西兩川織造上供綾羅透背花紗之類令今後三分中特令織造一分其餘二分織造絀絹如民不願織造絀絹者不得抑勒別具擘

畫聞奏及令都進奏院告報上項路分州軍令出榜曉
示 景佑元年四月十二日青州言織造錦乞減放一
半從之所減數目今在京綾錦院織造 五月七日中
書門下言在京及諸道州府臣僚士庶之家多用錦背
及遍地密花透背段等製造衣服欲並禁止從之 閏
六月二十一日三司言準勅禁止錦背段子等勘會內
衣庫見管諸般段子萬數不少乞留充北朝人使到闕
相兼支賜從之 二十二日梓州路轉運使張從革言
乞申明條貫禁絕透背段子等所賣刑名別無疑慮詔
應遍地密花錦背段子及織成遍地密花錦背衣服等
並依舊禁斷其餘棉花團窠雜花不相連接者更不禁

止 三年七月九日龍圖待制張逸言昨知梓州本州
机織戶數千家因明道二年降勅每年綾織三分只賣
一分後來消折實不能活欲乞於元買數十分中許買
五分詔兩川上供綾羅透背透背花紗之類依明道二
年十月勅命三分織造一分餘二分_只許織造一分綾
羅花紗一分令織紬絹 五年四月九日三司言西川
織買綾紗三分內減下一分紬絹乞依舊織買綾紗紬
支用從之 慶厯五年六月十三日詔益州每歲上供
物帛數特減歲額三分之一益梓路州軍所織錦綺鹿
胎等並減其半 七年十二月二十八日詔應預支人
戶紬絹價錢令隨夏稅送納朝廷之意本在利農近年

降數多三司每年約度只合要紬絹務在裁減仍先具
數申奏下中書相度指揮內江西一路多以益充折絹
價虧損小民轉運司今後須管支見錢和買 皇祐二
年閏十一月出內藏庫絹錢四十萬紬絹六十萬下河
北便糶草先是河朔頻年水災朝廷蠲民錢盡至秋禾
稼將登而鎮定復大水並遼尤脩其害仁宗憂軍儲不
給故特出內府錢帛以助之 至和元年二月三司言
陝西河東歲減西川所上物帛而軍衣不足又河北入
中糧車數多未有紬絹筭還請貸內藏庫紬十萬絹四
十萬欲乞輸左藏庫絹錢十萬餘計其值以限計還稅
之 三年十二月詔陝西路轉運司本路軍裝紬絹

皆出益梓利州路今邊事久寧而戍兵減宜寬三路所
輸若支軍衣而願買官以中估收市之 嘉祐四年正
月十四日三司言乞下內藏庫文撥錢銀紬絹綺綾羅
紗縠等準備郊禮賞給從之 英宗治平元年閏五月
二十八日三司言乞下內藏庫撥借綾羅等七萬六千
四百六十匹赴左藏庫以助支賞從之 二年十二月
二十三日三司言乞下內藏庫撥借銀綾羅等一萬九
千四百八十六匹赴左藏庫收管充備支遣從之 四
年三月神宗即位未改元三司言在京粳米約支得五
年已上欲乞於上供年額六百萬石內將粳米五十萬
石自今發運司體量米貴處與減下和糴數目却令買

金銀絹帛上京候約支不及四年即添三十二萬石上
件錢帛於推貨務封樁分與三路以脩軍需候充羨即
留在京從之 六月二十九日詔在京臣寮并宗室公
使錢買馬價錢並半折絹算諸黠通場大會並折以絹
神宗熙寧二年十月四日三司言乞自今後除傳宣及
合同取索御前使用并太皇太后皇太后皇后以下春
冬折洗及支賜外國蠻人折角入國人使到京等料依
舊出湊練絹外有應系支賜臣寮之家及筵宴合用絲
絹許請人於元支庫分換支生帛折等二等絹如內中
取索絲絹却於數中要換生帛折絹者依此詔除太皇
太后合供衣著并與外國者並依舊外其供皇后宮及

夏內人衣著即令內東門司逐時計會合要生絹或衣
著臨時供應餘並支合染色額生白絹 三年二月京
東轉運司言準詔訪聞本司去歲和買絹多拋數於人
戶上配散每錢一千買絹一匹後來却令買稅絹並每
匹納錢一千五百文又於等第配^何依粟豆錢令件折以
聞緣所散粟豆錢要濟民用只合情願即非配依詔已
行常平倉新法今後更不得支依粟豆錢其支散內藏
庫別額紬絹錢五十萬貫候納到本錢即撥椿充北京
封樁所收息利於內藏庫送納 元豐二年八月二十
六日成都府言歲額上供錦預支絲紅花工直與机戶
頗織多苦惡欠負昨創令軍匠八十人織比舊費省而

工善令先織細法錦從之

徽宗政和四年五月十五

日詳定一司勅令所奏今修立下條諸應副他路軍衣物帛有粉藥紕疎輕怯短狹者元買納官司計所虧官準盜論罪輕者徒一年元驗官司減一等從之先是淮南轉運司奏本路合要軍衣係江浙路供應近年以來多被逐路官庫合干人與管押人表裏作弊將短狹狹粗疎輕薄粉糊偽濫細絹起發前來乞立法禁止改也五年正月二十一日尚書省言新知拱州宋康年奏臣前任淮南轉運副使日代見本路每年管催夏稅細絹並為上供內府支用淮南路並無尺寸現在所有本路一歲^州軍春冬兩路衣賜全仰兩浙江東西州軍

兩浙路近因起發軍衣不堪致悞軍裝其淮南路轉運司曾被責罰以至江東西所發軍衣常是過期不到有妨支散伏望特降睿旨下淮南轉運司如至時委是過期不到即據已到本色紬絹那融見錢相兼準折支散不致有誤軍裝支用詔兩浙江東西州軍支淮南路軍衣如過期不到依法施行外人吏配千里七年七月十日詔逐路諸司每歲到絲綿紬絹若年終支用不盡並行樁管具數申尚書省仍估中價以坊場錢兌買起撥赴大觀西庫送納從度支員外郎張勸請也宣和三年六月十日詔令諸路提舉司委官取索諸司支用不盡及無支用見變轉及折支紬絹綾羅錦依時價以

上供錢兌買起發上京如上供錢兌買不盡即以諸司封樁錢兌買其上供錢兌買到數並赴左藏庫送納用諸封樁錢兌買到數並赴元豐庫送納仍先具合兌買起發色額數目限三日聞奏其起發日限依起封樁綳綳等已得指揮 六年閏三月二十二日尚書省言奉御筆諸軍今歲春衣綳綳布近今取樣呈例皆紕薄陳爛不堪衣著布為尤甚恐非諸路元上供和買之致使人兵不赤露軍容不振今降給散樣付尚書省可根究有司有無情弊因依進呈仍自今預行措置將來軍衣勿令更以此粗弱誤其戶部官全然廢弛失職弗度各與降兩官責後効詔權貨務官各降一官元收買合干

人送大理寺決杖一百大觀元豐左藏東庫布庫官并
合千人各降一官資無官資可降罰銅二十斤當換洪
慶桂棗州遂寧府買納官各降一官資知通令承及當
職官各罰銅二十斤仍令逐路提刑司具諸州府合降
官資人職位姓名申尚書省 二十七日申尚書省言
諸路州縣應受納及和買合上供紬絹布等轉運司取
索看驗其合發綱樣並仰取酌中物帛如法封記起發
即不得揀選高下色作樣仰巡尉催綱及排岸司常切
嚴察管押人如敢作弊換易即送所屬更治申尚書省
取旨如覺察得換易數多仰逐州保明申取朝廷指揮
特與推賞在京交納庫務並須如法看驗交納若內有

不堪支充衣賜者取旨黜責仍別行補發遇支衣委戶
部長貳太府寺卿少前期躬詣所支庫務點檢如堪充
衣裝方得支散仍並前十日具狀保明聞奏左藏庫布
每遇支遣衣賜自來係太府寺前期進樣多是揀選上
色堪好物帛進呈其所支衣賜往往與樣不同今後並
仰取中等物帛代進謂如關河北絹以京東絹代支之
類今後須是本等實闕方合以次等支遣又在京收買
物帛官司作弊多買低件次之物今後並仰體度市價
堪充衣賜使用物帛仍每匹封樣赴左右司呈驗從之
高宗建炎二年六月三日戶部言左藏庫申樞辦八
月冬衣緣諸路年額起發條限上限八月終下限十月

終計綱上京送納已過支衣日限難以措擬支用欲乞
自來年依例下江南東西路各先起絹二十萬匹紬六
萬匹兩浙絹五十萬匹紬八萬匹令逐路轉運司先次
那融本色司諸色窠名或朝廷封樁見在並限七月上旬
到京候輸納到令本處依窠各梅還從之 紹興元年
四月二十五日戶部言兩浙東西路今歲各發上京供紬
絹絲綿已依指揮依例一半折納價錢起發外欲將其
餘路合發絲綿紬絹並半折納見錢紬絹每匹折二貫
文省絲每兩二百文省綿每兩二百文省計置輕齎金
銀起發仍令逐前軍將合折數目於第五等人戶全折
餘數均於第四等以上人戶從之 三年正月三日浙

東福建路宣諭朱異言據婺州百姓成列等狀每歲和買平婺羅受納兩數太重平羅一匹要及一十九兩婺羅一匹二十二兩與本州所織清水羅率增重八九兩訖除減輸納臣竊以兩浙綿絲細小與河北土產定羅不同難以數及上件兩數是致多用粉藥纔經梅潤往往蕞壞逐歲不免退剝再勒人戶貼納乞止依在市清水羅斤兩輸官戶部言左藏庫歲常支羅不過萬匹其婺州紹興三年分合發年額羅二萬匹恐不湏盡數起發本色詔婺州紹興三年分羅並權折納價錢令兩浙轉運使開具合折價錢申尚書省五月二十五日兩浙西路宣諭胡蒙言巡歷至臨安府嚴州界下等人戶

陳狀各稱絲盤成熟難得見錢折納和買物併帛乞許
令本路州縣五等人戶從便送納七分本色三分見錢
戶部尋下兩浙轉司看詳得今年合發夏稅和買物帛
依奉三月三日聖旨內兩浙七分本色三分折錢其價
錢先令第五等人戶全行折納如有折納不足數目更
令第五等人戶折納如有折納不足數目均於上等人
戶名下科折務要寬恤下戶欲依兩浙轉運司已得指
揮從之 二十八日詔昨建炎三年二月二十七日已
降指揮婺州上供平羅減定著為永法其戶部續申明
去年十二月二十八日及今年四月九日令本州將折
羅和買絹起發指揮可更不施行以紓民力 四年八

月十九日殿中侍御史張致遠言伏覩鎮南軍申乞以本州和買絹紬合起八分本色更將二分許人戶折納價錢每匹六貫文省又胡世將申洪州在市一絹之直已增長八貫五百文足自餘州軍有至十貫足以上去乞每匹折錢五貫或六貫文足今計折價錢納未應副江北支用戶部勘當乞將江西分本色絹內令三分依洪州所乞折納價錢每匹作六貫文足如人戶願納米穀各依逐處市價聽納已從其請切以江西殘破之餘軍旅轉餉殆無虛日鎮南軍和預買絹自起催至六月纔納及一分民力不易自可想見每匹令納錢六千省比之舊折三司價例已增一半若比浙中見價每匹

計多一千五百戶部勘減當更令折錢每匹六貫文其實八貫省耳是於三等之中獨取極價欲乘民之急而倍其歛也物不常貴官有定額民得蠶織則絹有時而易辦錢額既定則價無時而可減臣側聞章聖皇帝嘗語宰輔曰兩浙福建湖廣州軍歲輸丁口錢四十餘萬國家恤念遠人非深行惠澤無以致其康樂當永除之丁謂以為方東西巡幸賜予億計慮有司經費不給章聖曰朝廷推恩所貴及民但當本抑末節用愛人何至以經費為辭耶夫丁口錢民輸甚易且有定制章聖不恤經一言而除之和買舊給本錢每端一千方時多艱白取既非得已有司請寬民力戶部乃用極價雖致數

千萬緡豈陛下所以增念黎元之本心耶詔依已降指
揮折納價錢每匹減作六貫文省如人戶願納本色者
聽十一月一日詔昨降指揮江浙州縣來年合納夏
稅和買紬絲羅並行折納價錢綿絹以十分為率折納
五分其價錢分兩限內紬絹價錢上限至來年正月終
下限至正月終絲綿羅價錢上限至來年正月終下限
至三月終其餘本色匹帛候至本年依條限起發其紬
絹折納錢降指揮明言折納錢五貫二百文省自合送
納省錢絲綿羅依去年價錢折納即無令納足錢之文
其餘五分本色綿絹合候本年依條限起催即今未合
催理訪聞州縣並不遵稟元降指揮輒將所折價却足

錢令人戶送納及將來年合納五分本色綿絹一槩便
行催理顯屬騷擾令監司禁止覺察聞奏 五年閏二
月二十七日侍御史張致遠言訪聞江東西奉昨來預
借折帛價錢民極省費而州縣責辦倉猝不及下戶今
宜令上戶代納本色却令下戶補納價錢以寬貧乏詔
人戶合納夏稅和預買物帛仰均行輸納却不得抑令
下戶徧納本色餘路依此 四月十九日尚書省言今
來諸路合納上供和買絹數昨降指揮將五分析納價
錢以便民戶其臨安府係車駕駐驛去處當更行優恤
詔臨安府合發淮衣并三分上供和買納銷除別指揮
已減放二分外將其餘數目以三分為率更以一分折

納價錢每匹作五貫五百文足如願輸本色者聽餘二分依舊催納本色 十六年六月七日詔盱眙軍合發大禮紬絹依下州路椿辦 二十年二月三日上謂輔臣曰前日路彬言廣西折布袋因都督府張俊每匹增及兩倍可令戶部詳看裁減其後本部言靜江府昭州每歲合發上供布九萬二百八十一匹昨自紹興後來每匹增作一貫五百文尙起發今欲依臣僚奏請於見納價上三分中與減一分作一貫文折納從之 二十八年三月二十四日宰執進呈內藏庫中契勘諸州軍上供內藏庫匹帛依法每匹長二十四尺闊二尺五分若有行濫及色額低次起發自有斷罪湖州納到小綾

一百六十八匹看驗得內一百二十八匹稀疎怯薄短頭不堪婺州納到綾羅共二百七十二匹亦如此不堪乞明降指揮交付原押人退還遂州換納上曰此已係民所納若行退換原物未必歸民戶却重科納必致騷擾朕深不欲如此止令提刑司具兩州受納官簿示懲戒足矣三十年六月十八日戶部言臣僚乞人戶輸納匹帛內有不應式者止合退換比年以來間有州縣復生奸弊遇受納夏稅之日差胥吏於場中別置一所如有退換紬絹每匹令人戶納錢名曰回稅既不正附赤歷其錢莫可稽考望嚴立法禁得旨令戶部看詳本部勘會在法諸非法擅賦歛者以違制論過為倍刻者

徒二年監司以人戶合納穀帛絲綿之類紐折增加價
錢或糴買糧草抑令遠處輸納若巧作名目額外誅求
者亦並以違制論守令奉行及監司不互察者與令罪
並許被科抑人戶越訴合納官物不正行收支者杖八
十收支官物不即書厯及別置私厯者徒二年欲下諸
路轉運司行下所部州縣遵守前項見行條法從之
孝宗乾道二年二月七日戶部侍郎曾懷等言諸路州
軍起到物帛並係應副官禁及百司官兵等支遣自合
受納及格堪好物帛今徽州發納乾道二年上供第四
綱和買夏稅絹左藏庫看驗得內一萬六千四百四十
七匹並各輕怯粉藥絀疎不堪支遣軍衣等使用顯是

本州當來受納官吏與專揀攬納人戶通同作弊有悞
支遣除已退回令別補發所有原受納官吏等望重賜
默責庶為諸路受納官之誠詔令江東轉司具元受納
官吏并當職官位姓名以聞 三年二月七日上宣諭
宰執曰聞兩日支軍人絹甚好常年不得如此先是戶
部中有徽州解到冬衣絹皆不堪支遣上曰恐支與軍
兵粗惡不便令戶部加意料理且差中使不測掣取以
防奸弊至是有司支散冬衣皆佳蔣希奏曰軍人知陛
下留意如此請得好絹無欣躍 四年十二月十七日
詔乾道五年折帛錢權與減半輸納一年 五年三月
十七日戶部尚書曾懷言紹興府補發到乾道四年諸

縣退剝絹二萬六百七匹輕怯不應省則本部再委太
府寺官重行編揀內稍可支遣絹一萬四千三十五匹
先次交收外有輕怯絹六千五百七十二匹合行退回
又緣正是新陳未接之際切慮人戶艱於換易重致騷
擾今欲委官估官價錢別行措置貼錢收買應付支遣
仍乞下諸州軍約束諸縣今後合起上供物帛須管依
舊樣受納起發如依前違戾從本部按劾聞奏紹興府
尚有未補發絹數如發者驗得再有退堪之數亦乞依
此施行後之 八月七日詔已降指揮放免折帛錢近
日州郡却於合納絹數內紐折見錢及收買低下絹帛
送納民不得實惠可令體究如有似此去處重作施行

十二月十四日詔將徽州休寧等五縣減下折帛錢
自乾道五年以後令各縣止納本色以福建路轉運副
使趙彥^端昭有請也八年二月十二日戶部言昨徽州乞
將本州上供絹依祖宗舊制重十一兩為一匹輸納本
部欲依本州所申今來徽州裁日終起到乾道七年上
供絹八萬一千七百六十餘匹係四十二尺為匹每匹
重一十一兩一分或一十一兩半之數詔知州右承事
郎趙師夔特轉一官通判右承議張靖減三年磨勘
十一月八日詔楚州乾道七年分納絹等並免起發以
知楚州趙礪老言兩經兵擾故也

全唐文

宋會要 折帛錢

徽宗建中靖國元年尚書省言預買錢多人戶願請比
歲例增給詔諸路提舉司假本司剝利錢同漕司未歲
市細絹計綱赴京政和元年臣僚言兩浙因紹聖中王
同老之謂和買并稅細絹匹者頭子錢又收市倒錢四
十例外約增數萬緡以分給典吏等多者千餘緡少者
五百緡於是詔罷市利錢高宗建炎三年車駕初至杭
州朱勝非為相兩浙運副王琮言本路上供和買細絹
歲為一百一十七萬匹每匹折納錢兩千計三百五十
萬緡省以助國用詔許之東南折帛錢自此始折帛和

二年疑

買非古也國初二稅輸錢米而已咸平三年始令州軍以稅錢物力科折帛絹而於夏料輸之此夏折帛之所從始也太中祥符九年內帑發下三司預市細絹時青齊間絹匹直八百緡六百官給錢率增二百民甚便之自後稍行之四方寶元後改給鹽七分錢三分崇寧三年鈔法既變鹽不復支三分本錢亦無九月御筆朕累下寬恤之詔而追於經費未能悉如所懷今聞江南和預買絹其弊尤甚可下江浙減四分之一以寬民力仍表見錢違寘之法二年戶部請諸路上供絲帛並半折錢如兩浙例於是左相呂頤浩視師右相秦檜奏從之江淮閩廣荆湖折帛歲錢自此始時江浙湖北夔路歲額

紬二十九萬匹江南川廣湖南兩浙絹二百七十三萬
匹東川湖南綾羅絕七萬匹四川廣西路布七十七萬
匹成都府錦綺千八百餘匹皆有奇詔諸路憲臣霏州
縣已未支還和買本錢實數未上初魏弘在考功建言
州縣和預買絹不給本錢乞就折民間應納役錢使官
無受紿之弊民無請納之勞尋下轉運常平司議每十
月兩浙轉運司言本路歲用和買本錢七十三萬餘緡
無可那撥而常平司言此錢既充和買則役人無以給
之其議遂止按折帛元出於和買其始也則官給錢以
買之其後也則官不給錢而白取之又其後也則反令
以每匹之價折納見錢而謂之折帛倒置可笑如此則

官價之不給久矣今甫詔諸路憲臣覈州縣已未支和買本錢實數奉上豈其時上之人元未知也或官吏肆為欺獎復以和買名色妄有支破那魏石之說固為理膏然役錢者應納之物也折帛者橫取之物也官惟其乏錢是以不免橫取於民若其可蠲則自當明蠲橫取之折帛錢正不必以應納之後錢此折也四年十一月初令江浙民戶悉納折帛錢六年兩浙轉運使李迥始取婺秀湖州平江府歲計寬剩錢二十二萬八千緡有奇依折帛錢條限起發十七年詔減折帛錢江南每匹為六十兩浙七十和買六千五百緡江南每兩三百兩浙四百自來年始孝宗乾道四年宰執進呈度支部官

劉師尹奏江浙四路折帛錢紹興初年立價折納至十一年頓增一倍十二年九月赦書止令折十之一十五年又詔兩浙夏稅紬絹匹減一貫和預買減一貫二百江東西減兩貫緣州縣不盡遵依暗有增添乞裁減以寬民力上曰朕未嘗妄用一毫只為百姓可從之冬十有二月甲辰詔兩浙江東西路乾道五年夏稅和買折帛錢並權與減半輸納一年如州縣過取一文以上許許人戶詣檢校院進狀陳訴汪義端言若和買用歛頭均敷則上戶頓減而下戶頓增蓋下五等人戶元不預和買但每丁有綿有丁鹽錢今又以歛頭均受上戶和買則是以一小民之身些小薄瘠之產而納數項之稅

賦合將逐縣浮財物力只照舊例均敷於四等以上為
是秘書郎孫逢吉言和買為民間白著之賦雖正月給
散本錢之法尚載令甲而人戶鈔旁亦有見錢請給之
文然上下皆知其為文具也中葉之初絹價暴增匹至
十貫高宗念下戶重困乃令上戶輸絹下戶輸錢於是
有折帛之名匹折六貫或七貫和議既定物帛稍賤又
令輸紬者以八分析鈔輸絹者以三分折錢餘輸本色
遂為定制朝廷以經費之故未能裁損州縣又於此外
苛取民力安得不重困哉葉適應詔條奏言可謂和買
之患也自州縣而後至於民民猶怨州縣而後於朝廷
和買則正取之民而民困以二稅為常賦也豈宜便經

又句不續
似有脫誤

用有不足於二稅之內而復有所求哉經用不足則大正其名實可也承平以前和買之患尚少民有以乏錢而須賣官有以先期而使民今也舉昔日和買之數委之於民使與夏稅並輸民自家力錢之外浮財營運生之具悉從折計且若此者上下皆明知其不義獨困於無策而莫之敢竭耳陛下斷然出命以號天下曰自今並罷和買之為上供者所用紬絹惟軍衣未可裁損其他宮禁官吏時節支賜格令之所應與者一切不行可也和買既罷取民之名正義聲暢於海內矣又曰何謂折帛之患支移折變昔者之弊事固多矣而今莫甚於折帛之患始以軍興絹價大踴至十餘千而朝廷又

句上有脫
記

乏用於是計臣始創為折帛其說曰寬民而利公其後
絹價即平而民之所納折帛錢乃三倍於本色既有夏
稅折帛又有和買折帛且本以有所不足於夏稅而和
買以足之今乃使二者均折於是何名而取義乎其
無名其取無義平居自治其國且不可而況欲大有為
於天下乎雖然折帛之為錢矣所資此以待用者廣矣
陛下必鈞考其凡目而後可以有所是正若經筵制錢
不減和買折帛不罷舍目睫之近而游視於八荒此方
召不能為將良平不能為謀者也寧宗嘉泰二年判建
康府吳玠奏本府在城上元江寧兩縣昨因兵火遂將
營運和買綿絹數在外三縣內句容除元額外增絹二

千一十九匹綿二萬一百六十兩繼嘗請減於朝而時
相無田土在勾容謂秦檜獨不與減今欲興 主減績
增之綿永除下邑偏重之害本府自行承認減數並可
嘉定十一年夏五月臣僚言鄱陽為邑經界之初稅錢
額管八千六百四十二貫有時每稅錢一百文數和買
六尺四寸八分有時吏緣紛姦有增益積至嘉定九年
遂及七尺五寸六分又且見寸收尺謂之合零就整去
年復頓增三寸以最小崇德一鄉言之嘉定九年分額
管五百貫文有時數和買額九百三十餘匹去年只管
九百四十貫有時乃增至九百五十五匹可知其地乞
明詔有司痛為革絕從之

宋會要 和買

神宗太平興國元年

太宗太平興國八年四月詔內外諸司庫務及內東門諸處造作如官庫內有物不得更下行收市應要物委三司職官常預計度若急須物色官庫內無即於出產處收市若不及即從三司下雜買務收買即不得直下行鋪如違許諸色人陳告監官劾罪嚴斷 真宗咸平二年五月十一日詔官中市物勒行人於雜買務納下本務令人供應二十二日詔雜買務買物支價錢委監官當面將旬價紐計錢數責領若三司乞破之時須繳元帖并領狀申三司 景德三年五月九日詔內東門買賣司應內降出賣匹段自今明上簿曆令使臣當面

差人印記具關子送下雜買務出賣所有金銀即封記
交付更不得私將抵換匹帛下行出賣所有諸宮院亦
令依此置曆抄上入內中自來有直賣諸般物色並令
抄上簿曆拘管依例具關子下雜買務取索供納又內
中降出見錢令雜買務收買供應物色自今便仰據數
送下依例下行收買供應更不得令將見錢轉換不堪
匹緞充賣又內中所買羊肉自今並令使臣上曆出給
印押帖子差輦官下行取買諸宮院準此十五日詔內
東門降出賣匹緞令左藏庫送納關報雜買務依時估
納錢十九日詔如有內東門買賣輦官諸邑人將低次
匹帛換內降工好匹緞自今令雜買務榜門曉示須先

上門曆方將物於監官出頭仍核定錢四千貫分兩番一季結算依舊收處零腳錢每供物賣物限半月納錢齊足仍各置曆拘轄 大中祥符二年五月十一日上封者言雜買務與內東門司出納因緣為害真宗曰此二司屢曾制置常給錢伍百萬於本司以備支遣不欲稽滯價直也先帝時常以錢百萬命宋思恭檢校凡宮中市物令即時面給其直用訖復增常滿其數仍聞思恭亦不能盡副先旨近日宮中凡所須索並付左藏庫雖動須變轉且免擾民也八月詔洞直宮闕寶院韓國長公主宅廣平公保信軍院及應教養所買賣物色並聽從便不須下雜買務是月詔崇真寶聖禪院於雜買

務買物慮其擾人今後具數以聞十月二十二日詔內
東門降出宣賜銀及成器物有鐫鑿官匠斤兩字號者
委雜買務使臣看驗分釐色號依時估取係省錢收買
送左藏庫候及千兩申三司煎煉若無字號不及色額
器物釵釧即付行出買二十三日詔雜買務要有買賣
畫時支給價錢不得邀滯五年八月詔雜買務市物
並須支一色見錢六年十一月詔自今內降及諸宮
院賣金銀器物並送左藏庫給錢有帶膠錁細碎物即
於雜買務出賣七年十一月詔內東門順儀院崇真
資聖院太和宮及坊卧使臣取買物許於雜買務下行
收買除官庫所有物外各令行人等第給限供納是月

詔雜買務應下行買物者價錢不得住滯邀乞其外催
受得買物關子次日須通下行戶置曆於監官處書押
天禧二年十二月提舉庫務司言雜買務準內東門
劉子九月收買匹帛內白絁每匹二千二百十月收買
皂絁每匹二十八百及收買果子添減價例不定稱府
司未牒到時估檢會大中祥符九年條例時估於旬假
日集行人定奪望自今令府司候入旬一日類聚牒雜
買務仍別寫事宜取本務官批鑒月日齎送當司置簿
抄上點檢從之是月詔三司開封府指揮府司自今令
諸行鋪人戶依先降條納於旬假日齎集定奪次旬諸
般物色見賣價狀赴府司候入旬一日牒送雜買務仍

別寫一本具言諸行戶某年月日分時估已於某年月
日赴雜買務通下取本務官吏於狀前批鑒收領月日
送提舉諸司庫務司置簿抄上點檢府司如有違慢許
提舉司句干繫人吏勘斷 仁宗皇祐四年三月二十
六日詔雜買務自今凡宮禁所市物先須勘會庫務委
關者方得下行仍皆給實直其非所關者毋得市 初
仁宗謂輔臣曰國朝監唐世宮市之患特置此務以京
朝官內侍參主之且防擾人近歲非所急之物一切收
市擾人亦甚矣故降是詔 至和元年十一月知開封
府蔡襄言內東門市行人物有累年未償錢者請自今
並闕雜買務以見錢市之其降出物帛亦估直於左藏

庫給錢從之 高宗紹興六年二月四日詔和劑局藥材令雜買務收買仍就令太府寺準脩差使兼雜買務監門機察錢物出入除本身請給外每月添支和劑局監門官日支食錢一色同日詔雜買務收買藥材除舊額專副手分橫司庫子外添置手分一名書手一名同日詔雜買務收買藥材依雜賣場例每貫收頭子錢二十文省市例錢五文足應副脚刺等雜支使用置曆收支年終將剩數併入息錢所有熟藥所納錢看指並依左藏西庫條法其納到錢除就支藥材價錢外見在錢並行樁管同日詔雜買務令臨安府輪差兵士一十五人充把門搜檢巡防等役使二十三日詔太府寺置牙

人四名收買和劑局藥材每貫支牙錢五文於客人賣藥材錢內支如入中依市值定價賣牙人辨驗無偽濫堪充修合狀監官再行審驗定價收買如受情中賣偽濫并例外收買錢物許人告每名支賞錢五十貫並依偽濫律斷罪及官知情各與同罪不覺察減二等五月十五日朝旨每貫於客人處更^支牙錢二十文以無人應募也 同日詔收買藥材令臨安府市令司每旬開具藥物名件實直價例報雜買務申太府寺照會 孝宗隆興二年二月十六日吏部狀都省批下本部申明雜買務闕未審日後合從是何選分差注或係堂除後批照應已降指揮許通差文武臣尚書左選勘會今將

紹興格并續降指揮參照立定差法雜買務選注通判
知縣資序不曾犯賊私罪年未六十人仍不注初磨勘
改官人尚書右選勘會雜買務闕通差文武臣今欲差
親民資序不曾犯賊私罪年未及六十又候尚書左選
闕到指揮日出榜召官指射如同日有官願就即先差
承務郎以上次注大使臣其為任使闕年限並依見行
格法施行

宋會要上供

趙建炎三年訖乾道九年

高宗建炎三年七月二十七日戶部侍郎葉份言乞每
歲終從本部將諸路所起上供錢物斛斗数目以十分
為率比較三兩路起發最多最少去處申乞賞罰庶使
官吏有勤惰之戒詔從之四年九月六日戶部侍郎
孟庾言崇寧立法諸路違欠上供錢物官衝替而吏配
千里務要應期辦集後大觀間戶部奏請以為法禁太
重將官員衝替改作差替人吏決配改作勒停期於必
行不為虛文繼承指揮却依舊法日來朝廷不欲深罪
監司州郡公然違戾深慮有悞國計伏望嚴賜督責監
司州郡當職官將今年上供錢物須管依限起發赴行
在應助支用如有違欠並乞依大觀間申請斷罪從之

紹興元年三月十九日尚書省言行在養兵之費浸
廣帑藏之積無幾將來大禮合用賞給百萬既不許橫歛
惟指擬上供宜預行戒飭監司及州縣當職官不務
體國縱令拖欠起發違滯或冒法截留侵隱先借之類
有悞大禮支遣官追一官勒停人吏杖脊遠配若率先
起足取旨優異推恩仍令戶部常切催督其置簿點檢
驅催並依已降指揮施行從之 二十七日詔諸路應
赴行在錢物斛斗官司輒截留借先支撥並依上供係
法指揮施行 四月十三日戶部侍郎孟庾言江南東
西路合起發行在額斛係以去年秋稅計置起發已承
十一月四日朝旨將二分折起價錢外餘八分起發本

色糧米緣所起數多即目道路未甚通快深慮艱於一
併般運又民間見綱糧斛今欲將逐路合起發米將二
分依市價糴賣將賣到錢計置金銀起發餘六分本色
依舊詔依仍仰將已納在官合起發上供米斛依市價
出糶如有未納數目即拘催本色不得抑勒稅戶認納
價錢却成撻擾八月二十九日詔令宣州將來起上
供紬絹三萬匹並納本色以本州言奉勅上供紬絹
一半折價每匹三貫文而江東時值止兩貫下戶反有
倍費故也二年三月二十二日戶部尚書李彌大言
今來道路並無梗阻其諸路州軍上供錢帛斛料自合
遵依上供條限盡數起發前來行在送納望嚴賜指揮

諸路漕臣詔兩浙東西江南東西路各就委逐路剗刷
折帛錢官拘催并福建路荆湖南北路廣南東西路並
仰逐路漕臣照會戶部已行事理訓誡州縣將合起發
物各依條限起發今來係充贍軍支用務在悉心拘權
毋令蹈習前弊令戶部不住催促施行如尚敢違限不
為依數起發仰本部按劾取旨重寘于法 閏四月十
二日臣僚言欲令福建路轉運司將本路合買發上供
銀委官置場依市價收買如或價高所買數少不及租
額即乞朝廷量行蠲減詔剗與福建路轉運司從長相
度務要便民限三日申尚書省 五月十一日戶部言
乞將處台州上供錢物並依江東西不通水路已降指

軍計置輕齎起發赴行在從之 六月二十七日金部
言欲將鼎州建炎四年合發上供錢物免放其紹興元
年分上供之數自來年為始分限三料帶納其今年上
供錢物疾速依條限計置起發前來行在送納從之
七月十四日詔南康軍今歲合發上供紙並特與放
免一年 十月十三日都省言江西吉筠州臨江軍上
供糧斛累年並無起發數目今歲豐稔秋苗理當措置
詔差倉部郎官孫逸前去同本路漕臣韓球於逐州催
納先次起發三十萬碩各差逐州通判兵官一員管押
赴鎮江府權行交卸其合用舟船如官綱不足仰本路
安撫大使司協力那融應副仍限至十二月終起發盡

絕如有已受納到早米亦仰疾速起發祇備應接行在
支遣令戶部常切催促如限內依數起足其韓球孫逸
并管押官一例推恩若出限不足取旨降黜及差郎官
一員密院準備將兩員前去受納令別項橋管非奉朝
廷指揮不以是何去處不得支動^穀粒并汭路不得拘
截如違並重寘典憲 十一月八日度支員外郎胡蒙
言願詔諸路監司凡管下租賦利入拘催起辦未足額
不許截撥上供其一路一州一縣物^斛錢帛應合輸行
在之數敢有違欠以慢法禁罪之限滿委省部剋刷以
聞嚴行懲戒若殘破州縣之吏有能勸課耕闢田產使
租賦漸復元額措置征商權酷而收息至於增羨者並

具實保奏優與進擢以示激勵或監司州縣沮抑許詣
臺省自陳庶幾咸知國用為急財賦必輻輳而至軍事
雖未息費用常裕如無苛歛以蠹民則邦本自固矣詔
荆與諸路轉運司照會 十七日江浙荆湖廣南福建
路都轉運使張公濟言逐路州郡依格上供之類常是
出限不足欲乞應諸路州軍財賦出入並許公濟取索
點察其合撥上供錢物如限滿有欠缺不足之數從公
濟取撥本路所管轉運司移用錢依條補足解發如逐
州上供錢未足漕司不以移用錢補發別作名目支使
欲許公濟按劾具事因申取朝廷指揮從之 三年正
月二十九日詔江東西湖北路紹興元年二年未起上

供紙數並特與權行倚關紹興三年合發數目一半權
折納價錢 二月二十日戶部言檢會去年七月二十
日都省言提點鑄錢官王暉申請將鼓鑄年額上供錢
內每年權借留一十五萬貫充^回易錢本限次年內先
次起發赴行在本部契勘在法上供錢物不許官司陳
請截留借充支撥欲令本司將截留過錢數立便盡數
起發從之 八月四日戶部尚書黃叔放言政和東南
六路直達糧綱起發條限難以遵守即今車駕駐蹕臨
安諸路歲額上供事須權宜別立季限今乞兩浙路分
兩限拘催收樁數足上限今年十二月終次限次年二
月終江南東西荆湖南北並分三限第一限本年終起

發第二限次年二月終第三限五月終如違限椿發不足從本部具數申朝廷乞賜施行從之四年二月二日詔廣南東西路轉運司當職官各降一官吏人從杖一百科斷以戶部比較紹興三年未起上供錢物本路拖欠最多故也六日戶部尚書黃叔敖等言今歲大禮賞給乞兩浙等路上供和買紬絹以十分為率八分起發本色二分折納價錢從之二十七日詔蘄州紹興四年已前合起無額上供錢物並與蠲免以本州言兵火後財計未故也同日左朝散郎王縉言廣南東路每歲上供例買銀輕齎而近年坑場不發銀價騰貴及至行在支遣類損元價十之三四與勘推貨務名

人入納筭請鹽鈔有指留鹽本等錢數不少今不若令
筭請廣東鹽鈔之人一併入納指留等錢別項椿管起
發元本路上供之數預約度一歲入納之數下轉運司
於諸州上供錢內撥還鹽事司詔令戶部勘當中尚書
省 四月二十一日臣僚言切見廣東上供白金歲輸
十萬兩朝廷雖嘗令廣東相度從便上供見緡然而轉
輸當用舟航顧募之初匪易護送必遣官吏交納之際
甚艱難是州郡莫敢任見緡之責伏見近歲取廣東漕
司鹽改為鈔鹽鈔法既行而常患乏鹽尚有三分之一
留充漕計今若將上供錢銀舊數蠲其難辦之額定其
實納之數撥與本路為漕計而於漕司一分鹽內會其

管係官

價直取之以益鈔鹽使償上供之數則商賈自以見絀
輸于行朝矣詔令戶部勘當申尚書省 七月十三日
温州言乞將今年未起上供紬以衣絹代發從之 五
年正月五日詔罷湖南轉運司上供額斛折納價錢並
催納本色 三月十八日前荆湖南路提刑司檢詳管
文浩言切見荆湖南路上供錢舊以官綱鹽頭子錢椿
數起發自推行鹽法之後悉係客販所謂頭子錢者無
有也當時有司慮失歲計州縣逐急措畫遂以麴引為
名歲取其數苟逃吏責因循迄今但以人戶稅役高下
分依麴引每縣或至二三萬緡十倍上供之數歟多用
寡弊不勝言乞令本路漕臣各據逐州元認上供實數

具其具

以人戶見今等第均敷勿藥科徭勉引之弊歲終檢察以聞所貴少戢賦墨之吏以蘇凋瘵之民詔令席益體訪諸實具合如何施行申尚書省十五年十月三日知建康府晁謙之言本府每歲合起上供米舊額一十五萬石自經兵火至紹興五年總起一十一萬石後緣轉運副使黃敦書暫權府事增起二萬四千餘石遂致兩年以來公私費力欲乞將上件增起米數許與蠲從之十九年九月二十五日戶部言諸路軍州歲發上供諸色錢帛并合椿管窠各各有椿發條限今將侵借去處不以去官並從本部按劾重賜照責施行從之二十年六月二日權知無為軍高世史言本軍三縣人戶

未甚歸業具合起諸色上供委是闕乏欲望令所屬奏
官檢覆見歸業并開墾田土於見今承認舊額所起上
供等錢數內量行減免詔令戶部看詳如合減免申尚
書省取旨二十三年閏十二月二十二日戶部言上
供諸色窠名錢物在法不得支兑移用若輒擅侵支各
有專一斷罪條法指揮比年以來州軍往往冒法輕費
妄用乞行下諸路監司常切檢察遵依條禁若有違戾
侵借除依法斷罪外仍乞今後更不差注知州軍差遣
仍乞從本部取索當職官職位姓名供申尚書省照會
施行若後官任內合發窠名錢物別無拖欠能措置補
還前官擅支錢物每及一萬貫已上與減一年磨勘至

五年上從之 二十六年八月十二日詔滁州合起工
供錢權以六分為額起發 以本路轉運司言本州上
供已發八萬委無所出乞蠲免故也 十九日戶部言
乞令諸路監司催督所部州縣將上供等錢物今後並
依條限拘催起發仍從本部於次年驅磨違慢多處開
具按劾重賜施行從之 十一月二十三日江南西路
轉運司主管文字逢汝舟言望詔有司戒飭州縣於每
歲增起二分錢物不得增敷於民庶使民力不致重困
於是戶部言合起上供錢物除湖南州軍依格起發外欲
下荆湖北路轉運司鈐東逐州軍合將增認數目依條
收椿起發即不得增敷於民如有違戾去處仰本司按

勅施行從之 二十八年五月十二日尚書駕部郎中
張宗元言比年以來諸路發納米斛數少朝廷不免將
諸路糴本湊額錢赴行在和糴場及三路總領司以糴
米斛補助支遣欲望詔有司行下諸路轉運司自今後
須管每年開具合收實數保明諸州府守倅令佐及檢
踏災傷官次第結罪狀供申要在十一月內到部仍依
省限報足如違從戶部具申朝廷取旨施行若實數既
見可憑稽考不致拖欠則立為成法三年之後椿積之
數不下及五百萬石降本湊額外每歲又有二百萬斛
以助他用於是戶部言江浙路歲額合發上供米斛並
係實數緣紹興之初一時隨宜認發致不及元額在法

江浙荆湖路秋稅十月一日起催若有災傷以八月經
縣陳訴至月終止限四十日檢放欲依所請行下兩浙
江東西湖南北路轉運司仍先具已依稟文狀以聞從
之 二十九年正月二十四日司農少卿董革言伏望
特降指揮今後州縣前官拖欠上供而後官致被取勘
者先具所欠年分已去當職官擇其甚者取責罰不
以去官赦降失減從之 八月二十三日戶部言今欲
令逐路漕司與州軍當職官將今年合發上供額斛具
依年例數目認椿仍多方措置檢察遵依條限起發赴
所屬應辦給遣務要盡實毋致欺隱如違從本部開具
違戾去處按劾施行從之 十二月四日權戶部侍郎

董革言欲望申飭諸路州軍將合收錢物依條分隸不得改名易色應限發納及令監司各隨窠名催督所屬起發毋令輒換綱解暗移上供仍許監司互察從之三十一年八月二十六日戶部言今相度欲令逐路漕司與州軍當職官將今年合發上供額斛且依年例數目認椿施行仍多方措置檢察遵依條限依數椿辦起發赴所屬應辦給遣務要盡實毋致欺隱如違從本部開具違戾去處按劾施行從之浙東路上供錢六萬七千六百九十四貫文浙西路上供錢一十五萬四千八百三十貫文江東路上供錢一十八萬一千一百七十貫文江西路上供錢一十五萬六百一十貫

文 福建路上供錢三萬二千六百七十三貫八百八十九文銀一十六萬三千二百六十一兩六錢六分八釐 淮東路上供錢七萬八千二百九十一貫文 淮西路上供錢二十四萬三千一百一十九貫文 湖南路上供錢二十八萬一千一百一十一貫文 湖北路上供錢二十八萬一千六百貫文銀八十一兩六錢 廣東路上供錢四萬一千四百九十八貫文銀三萬八百二十二兩金一十五兩 廣西路上供錢六萬四千八百七十貫文銀六百五兩 成都府路上供錢三百八十貫文 潼川府路上供錢三萬七千五十六貫七百九十五文 利州路上供錢九千七百三十九貫三百六十五文

二文銀九千九百七十八兩 葭州路上供銀三萬六千八百八十一兩四錢二分五釐二黍金四百八十兩 京西路上供錢四千六百八十貫文

孝宗隆興元年十二月二十七日詔諸路州軍歲起上供錢物例有拖欠監司郡守却以羨餘進獻僥冒賞典可令戶部行下諸路州軍今後上供錢物須管依限起發數足如數目未足輒行率歛進獻仰本部按劾以聞 二年四月十二日詔諸州補撥前官任內侵支拖欠上供諸色窠名錢物充兩淮修築城池使用每及一萬貫與減一年磨勘至五年止 於是右正言尹穡言竊謂諸路州軍每遇一時緊切支用無可那移方可移上

供錢物逐急借撥遂致前後積壓拖欠雖要撥還又有當年合起錢數猶恐起辦不及若後官到任自能措置收簇別無少欠已是不易何由更有餘剩補發前官未起數目況今年係大禮年分比之常年倍更窘闕縱使逐郡知州意在布賞未知作何擘畫可以應數不唯經涉歲月虛費文移必致誤事若更使逐州並緣稅賦科須等於民戶巧作名目百色增取重有搔擾深為可慮望令戶部據見今諸州軍侵支拖欠上供等錢物約度分數且令每年逐旋帶納要在多寡合宜使督責可行須管與當年合發錢物各要起足如準前拖欠依先降指揮知州不許與知州差違仍展一年磨勘當職官任

滿日於印紙上別項批書所起錢數足方許叅部所有
補發舊欠及一萬貫文減一年磨勘指揮乞更不施行
從之 乾道二年九月二十六日詔諸路州軍監司合
起上供諸色錢物皆有起發條限近來循襲公然拖欠
致有^闕乏可將諸路合起行在上供錢物每歲上下半
年從戶部比較最稽違拖欠去處具名按劾重行黜責
從戶部侍郎曾懷請也 四年七月五日詔諸路提刑
司今後諸州知通拘收無額錢物候任滿日別無拖欠
上供諸色窠名錢數及經總制錢本考內亦無虧額方
許陳乞依格推賞仍自今降指揮為始 先是浙東提
刑徐藏言准紹興二十八年三月二十五日聖旨戶部

契勘諸路州軍所收~~無~~額上供錢物每歲收及五千貫
已上知通各減磨勘一年一萬貫減一年半一萬五千
貫已上減二年緣州軍將別色官錢充那湊數作無額
窠名起發却將有額合起錢數拖欠乞從本部驅考若
任內合起上供折帛等錢別無虧欠方許作見行條法
推賞諸路方且遵承續准隆興元年朝旨知通拘收無
額錢得賞格更不候任滿便行保奏緣此前弊復作故
有是詔 十二月十四日四川總領所夔州路轉運司
言夔路歲發上供等錢物支降鹽茶下逐州拘收自行
變賣充本收買金銀絹帛起發優折人戶輸納數目其
州軍如有侵移借兌欺隱不行盡實優折乞比附擅賦

管一作官

欽法科罪詔如有違戾即將管吏依非法擅賦欽劾條
以違制論依律徒二年科罪 六年閏五月六日戶部
尚書曾懷言諸州軍起發戶部諸色官錢及供上錢物
雖各有窠名緣州軍往往妄於名色工有分緊慢不為
盡數發納或虛申綱解致悞指擬今欲印給綱目遍下
諸州軍專委通判逐季開具已未起發數目如無通判
去處即委僉判判官謂如春季錢物即於四月初五日
以前填寫綱目中發戶部如稽滯不到從本部先勅所
委官夏秋冬季准此歲終却將納足欠多州軍每路具
三兩處申奏以為殿最從之 七年正月二十日詔自
今後諸路州軍起發上供諸色窠名銅錢並要起七分

見錢三分會子并人戶典賣田宅等交易用錢會子使
聽從民便 五月五日三省言儉准紹興二十五年四
月十六日聖旨諸州軍知通拘收無額上供錢物每歲
終及一萬貫與減一年半磨勘如及一萬五千貫以上
與減二年磨勘切見州軍所收諸色窠名數目浩瀚如
賊罰戶絕等錢物動以千萬計其知通歲終只以一萬
五千貫以上起及賞額餘錢既無增賞得以侵支妄用
是致失陷財計欲乞自今後應諸州軍知通及諸路安
撫轉運使提刑提舉并市舶官應任內各司自能拘收
起發無額錢物內一萬貫減一年半磨勘及一萬五千
貫減二年磨勘若增及三萬貫文以上轉一官如更能

拘催起發過數並比類推賞除歲額諸州軍一萬五千
貫以下錢物並依舊逐季起發赴左藏西庫外自今來
諸司及諸州軍增收無額錢物並逐季令項起赴左
藏南上庫椿管仍專委官一員以時點檢拘催依數起
發俟至歲終優加旌賞從之 其後九年五月二十七
日臣僚言伏見紹興二十五年指揮諸州軍知通每歲
拘收無額錢及一萬貫與減一年半磨勘一萬五千貫
以上與減二年磨勘此以利導之近來徃徃諸州將其
他錢物先次起發數足以幸賞典雖云諸色窠名無虧
方許陳乞然知通替罷未有不推賞者至乾道七年五
月五日再降指揮若知通起發無額錢及三萬貫與轉

一官此法既行太為僥濫昨來推賞不過二年並用實
筭對使今比舊法纔得一萬五千貫徑轉一官諸路知
通尤更急於受賞人人競利至有一年之內拘收無額
錢轉一官或二年磨勘者若二年則遂轉三官矣如小
部財賦有限於常賦之外更事剝剝則事力愈窘益見
煎熬天下州郡長貳但志在於拘錢轉官凡在任有合
行整頓綱紀之事苟且因循盡廢而不舉矣諸諸路州
郡知通今後每歲起發無額上供錢物若增及三萬貫
以上與減三年磨勘八年三月十三日提舉淮南東
路常平茶鹽公事措置兩淮官田徐子寅言檢照乾道
七年十一月四日指揮措置行使鐵錢盡一內一項兩

鐵作錢

帛一作納

淮諸州軍依准近降指揮應起發工供等錢並以七分見錢三分會子解發今來沿淮州軍見使鐵錢并會子則難以發納今欲將沿淮州軍合發納錢許令解發會子所有自餘近裏州軍且令依所降指揮分數解納見錢會子候將來普用鐵錢日另行條具申請詔極邊州軍並用交會近裏州軍以鐵會中半起發 八月四日權戶部尚書楊僕言朝廷用度全仰諸州軍起到錢應接支遣今稽考得江浙軍州截日終起發乾道八年折帛錢比之乾道七年一般月日計增起多解錢七十餘萬貫今將逐州軍所起數目比較得內常平所起之數比過年一般月日多起解到錢一十六萬貫委是當職

酬賞從本部
一本作數目多
少仍
細核文義而本
似俱有脫誤

官究心職事若不量行旌賞無以激勸詔知州右朝請
大夫晁子健通判左朝散郎葛郊各特減二年磨勘
十月七日詔諸路轉運司自今場務解納本州分隸諸
司上供經總制錢朱鈔內須管開具若干係甚場務甚
監官在任收到錢數發納赴是何去處送納其餘場務
依此供申候申到監官在任增剝酬賞從本部恭照行
遣如申到日前在任推賞之人亦依此取會以吏部尚
書張津言比年以來並緣法制人知幸得如州縣場務
課息增羨內發納上供並無行在朱鈔而州郡泛濫保
明推賞故有是命十一月六日詔將乾道四年五年
諸路州縣拖欠上供未起之數特與蠲放日下銷落簿

籍不得再有追理如違許民戶越訴監司覺察按治
以中書門下言諸路州縣拖欠未起上供經總制諸色
窠名錢物未斛已降指揮放至乾道三年終所有以後
年分亦有拖欠之數皆係民戶積欠經隔歲月若行一
例催理竊恐追擾故有是命 九年十一月九日南郊
敕諸路州縣拖欠未起上供經總制等諸色窠名錢米
等已降指揮放免至乾道五年終近兩浙路放免至六
年終其餘分亦有拖欠之餘皆係民戶積欠經隔歲
月若行一例催理切慮追擾可將諸路州縣乾道六年
終已前應拖欠未起之數特與除放日下銷落簿籍不
得再有追擾如違許人戶越訴監司覺察按治 十二

月二十三日權戶部侍郎蔡洸言諸路州軍起發上供
并經總制等錢各有期限賞罰比年以來所隸監司不體
法意其起發如期者皆與保明被賞而違限者未見其
舉勅也則有賞無罰人無懲勸國用安得以時敷足欲
望嚴飭諸路監司依限催發守貳尚敢違戾許臣擇其
弛慢之尤甚者按劾奏聞所隸監司不行糾察亦乞坐
罪從之

全唐文

宋會要

雍熙四年詔諸道州府軍監課利上供銀今後煎作摺角銀送納不得更作板石子銀政和三年九月十七日指揮變轉收買金銀起發上供內本錢依舊橋管循環支用從之建炎三年詔訪聞福建廣南自崇寧以來歲收買上供銀數浩濶陪備檢擾民力不堪可自後歲減三分之一以示遠方寬恤之意四年正月二十九日詔福建路州軍今日以前見欠左藏庫估剩銀數虧欠官錢特與蠲放四年戶部侍郎葉公言福建路見上供銀數係以元豐年寶瑞場所收課利立為定額自崇觀以

朱坑井漸降銀價又高應辦責之人戶科敷及於寺院
故也紹興二年德音福建路上供銀昨建炎三年九月
已減三分之一紹興元年三月內建州南劍州於所減
數內又免半分尚慮經此兵火民力不易所有今年合
起之數上四州全免一年下四州減半三年福建路轉
運副使劉案言本路建州南劍州每年合發上供等銀
數內建州二萬一千六百六兩南劍州三萬三千八十
一兩自紹興三年分依舊上供及更令帶發紹興元年
分銀數內建州一萬三千五百五十兩南劍州一萬八
千五百五十三兩八錢三分三釐逐州連遭兵火民力
困重紹興免帶發二十六年奉執進呈權刑部尚書韓

仲通看詳到知雷州趙伯樞所奏廣西州軍經總制等
窠名銀皆是括率百姓隨稅均敷欲令今後只依市價
收買不得依前均敷上曰此豈可不禁

宋會要 無額上供

高宗建炎元年十一月十四日詔諸路無額上供錢不
合立額可自建炎二年正月一日為始並依舊法當職
官拘收減裂致有欺隱失陷者重加典憲 二年五月

十五日戶部尚書呂頤浩等言諸路無額錢內增添酒錢依舊法係戶部上供之數今已承指揮自建炎二年正月一日為始並依舊法切慮諸路州軍止以六分椿撥欲乞令提刑司行下逐州軍將四分增添酒錢併入六分之數收係入帳依限盡數椿發施行免致有虧省計從之 七月十二日端明殿學士提舉醴泉觀黃潛善言戶部經費自軍興以來用度至廣惟仰諸路上供錢物應辦其州郡所收無額上供錢物依法並隸提刑司拘收具帳供申起發緣無額錢所收窠名不少切慮州郡縣鎮隱漏不肯盡數供報提刑司不為檢察致拘收隱落或供帳不實日久轉致虧損失陷少計欲望下

戶部檢坐諸州郡應合收無額上供錢物窠名及供申
隱漏不實起發期限并前後應干約束等條法錢板通
下諸路州郡及提刑司遵守施行詔依 紹興元年四
月四日戶部侍郎孟庾言諸路州軍所收無額錢物昨
窠名繁多州郡得以侵隱並令提刑司具帳催督起發
以革侵用近緣軍興諸路供申帳狀多不依限繼承指
揮添酒錢五項依舊作經制錢拘收亦係無額名色相
同從來帳限不一作兩色供報州縣得以侵欺今欲乞
將諸路所收無額經制錢物每季只作一帳供申並限
次季五月二十五日已前具帳及起發數足餘依見行
條法從之 二十五年四月十六日詔諸路州軍知通

今後拘收無額錢物及一萬貫與減一年半磨勘及一萬五千貫以上與減二年磨勘如止及五千貫依已降指揮與減一年從戶部請也 二十八年三月二十五日戶部侍郎徐林言今欲下諸路提刑司行下諸州軍今後拘收無額錢物實候任滿日方許陳乞從本部驅考若任內合起上供折帛等錢別無拖欠即依見行條法指揮保明推賞從之 二十九年閏六月八日臣僚言竊覩昨降指揮應州軍專委通判拘收起發無額錢歲及五千貫以上者知通與減一年磨勘所在州軍每歲財賦所入或有係無額窠名者徃徃空有拘收及五千貫其間有止拘收到一二千貫至三四千貫為不能

致一作有

及五千貫數不該賞典遂致州軍更不將所椿到錢物起發今乞行下諸路責令守倅常切拘收除一歲能拘收起發及五千貫以上者依已降指揮與減一年磨勘外若不及數而及四千貫以上者與減三季磨勘及三千貫以上者與減兩季及二千貫以上者與減一季如此則隨其多寡為之酬賞從之

宋會要免行錢

高宗紹興元年三月十七日中書門下省言昨降指揮諸州郡罷納免行錢見任官並許以實直買物訪聞諸路見任官依應收買物色無所不至重用民力詔諸路州軍依已降指揮免行錢並罷見係人戶更不作行戶供應一

見任官買賣依市價違者計贓以自盜論候違事寧息
日令戶部取旨依舊法施行 十一年四月八日臣僚
言州軍縣鎮舊來行戶立定時旬價直令在任官買
物蓋使知物價低昂以防虧損而貪污之吏並緣為姦
貴價令作賤價工等令作下等所虧之直不啻數倍致
人戶賠費失所宣和間市戶乞依熙寧舊法納免行錢
罷行戶供應民實便之至靖康間罷納近來州軍縣鎮
遇有^批納買依前下行戶供應望下有司嚴行禁止依舊
法量納免行錢從之 六月十八日戶部言諸路州縣
行鋪戶等依近降指揮並免供應令量納免行錢革去
科擾之禁今訪聞州縣多將零細小鋪貧下經紀不係

合該行戶之人及村店貨賣細小之民一例敷納其實
有物力行鋪戶等却致作弊幸免欲乞申嚴約束監司
州縣依近降指揮照元畫一依公推排立定錢數開具
供申具零細小鋪貧下經紀無物力之人及村店貨賣
細小不得一例科敷搔擾從之 七月七日臣僚言近
者復免行錢而州縣行遣與法意大不相當既兼收於
貧弱下戶復連及於鄉村下店富者有賄賂以悅胥吏
故輸錢甚輕貧者無貨財以行請囑故輸錢反重一出
於胥吏之手而民日益困故有店鋪而廢業者有携家
而他徙者詔依奏送合屬去處限日下條具措置申尚
書省 其後戶部言欲依臣僚奏請令諸路提刑轉運

司疾速約束所部州縣及親行按臨體究將似此去處
立便覈實改正仍依已降指揮按劾取旨重寘典憲從
之 二十二日詔令諸路免行錢有推排不公去處令
諸路提刑司照應元降指揮盡公推排及密行詢究如
州縣用情將上戶合納數目科與下戶並仰即時改正
施行若推排盡公別無情弊即將委的貧乏不能輸納
下戶保明詣實申尚書省 十二年六月三日汀州言
武平上杭兩縣合認免行錢已免一年今來居民流移
即未曾復業乞特與蠲免候賊馬寧息行銷復業均納
詔再與展一年 十二月六日汀州言寧化縣被賊燒
却縣市人戶店業方且起造乞權免本縣逐月免行錢

侯稍有買賣即依舊詔免半年 十三年二月十七日
廣西提刑司言乞將雷化高融宜廉州每月見認免行
錢五分中減二分筭欵賀貴州見認免行錢三分減一
分詔並與蠲免 十四年七月十日詔開州所管兩縣
在慶郡尤為避遠其免行錢可令減半 十五年四月
十二日內降制州縣行戶悉罷供應令量納免行錢訪
聞所屬均數之際富民認數不盡多及下戶可令諸路
提刑司更切體量數目保明申尚書省取旨蠲減 十
七日知漢陽軍韓昕言乞將諸路州軍縣鎮所收免行
錢遵依元立定數外多取一文已上並依舊增減賦法
每孟月於長吏廳集衆登降開收限當日畢非時不得

追呼庶幾斯民得以安業金部言今來奏請事理內有
合開收行戶已承指揮每季聽本行衆戶同狀保明申
陳開收即不許虧元立定數竊慮寅緣科擾如有前項
違戾並依非法擅賦歛條法斷罪令提刑司常切覺察
從之 十七年正月十五日諸路州軍免行錢令戶部
檢會紹興二年官戶與編戶一等指揮申嚴行下州縣
遵守施行 四月三日詔諸路州軍人戶見納免行錢
不拘等第並以三分爲率蠲免一分 以戶部言先詔
鄉村第四等坊郭第七等已下人戶並與放免而上等
有力之人營運非一多致幸免下戶專業者往往不被
其賜故再降是旨 十九年五月二十六日前權發遣

連州王大寶言廣南路連英循惠新恩州城市不過六七百家非通商販之地詔廣南路小州月納免行錢更與審量裁減上諭輔臣曰守臣上殿俾以民事奏陳遂得知民間疾苦所陳五六得一可行為利亦不細大寶所奏可令戶部行下本路漕司具合減免數目申尚書省十一月十四日南郊赦文州縣人戶合納免行錢因拖欠倍罰竊慮積併數多艱於輸納仰州縣將今日以前倍罰錢數日下蠲放如敢依前違理令提刑司覺察按劾二十二年十一月二十二日同此制二十五年五月二日戶部言州軍數納免行錢至於提監挾蓋此示買賣之人亦令出納間有數及鄉材去處所取

苛細干涉人衆委是搔擾欲下諸路提刑司將人戶見
納免行錢截日並行住罷仍乞依舊令官司不得下行
買物或州縣故有違戾許人戶越訴當職官吏乞重賜
行遣從之 十一月十九日敕文人戶免行錢已降指
揮住罷竊慮州縣却循往年體例時估虧價買物及為
民害雖已行約束尚恐違戾仰監司常切覺察按劾施
行 二十五年十一月十九日二十八年十一月二十
三日並同此制

宋會要

封樁

起熙寧十年迄乾道九年

神宗熙寧十年二月三日詔中外禁軍已有定額三司及諸路計置請受歲有常數其間偶有闕額未^棟招簡人充填者其請受並令封樁毋得移用於次年春季具數申樞密院 元豐元年七月十三日詔諸路轉運及開府界提點司樁管闕額禁軍請受據元額月給錢糧委提點刑獄及府界提舉司拘收於所在別封樁^{承旨} 二十四日詔諸路封樁闕額禁軍請受可令樞密同^{承旨}注籍輒支用者如擅支封樁錢帛法 二十五日三司言今具熙寧十年終在京及府界樁管闕額禁軍請給數目乞免封樁詔在京特依奏 十二月四日樞密承旨司言

準送下三司狀在京禁軍闕額封樁請受內錢絹特免其斛斗唯米可存留自餘衣賜等物並屬三司應副及小麥已無剩數欲乞特免勘會府界軍士衣糧等自當依別處例封樁其小麥如闕即令三司以細色糧充從之同日開封府界提點司乞免封樁闕額禁軍請受等詔惟錢特免之二年七月二十一日詔在京開封府界見封樁闕額諸軍請受可並送內藏庫別封樁三年六月二十四日詔河北沿邊州軍禁軍闕額米歸羣牧司封樁四年六月二十有六日詔應熙河路及朝廷所遣四將漢蕃軍馬錢帛糧草並委經制管勾官馬申胡宗哲計度應副如不足以封樁闕額禁軍衣糧

並封樁錢帛充若闕以茶場司錢穀充 五年正月二十四日詔開封府界諸路封樁禁軍關額錢除三路外及淮浙江湖等路增剩鹽錢江西賣廣東鹽錢福建路賣鹽息錢並輸措置河北糴使司先借支內藏庫錢三十萬緡于河北糴使司以福建路鹽息還五月一日詔內外關額禁軍創物元減半或全不支處並依式全支已全支處權增千錢以封樁禁軍關額錢給 七年六月十一日詔河東路銷廢五指揮禁軍錢糧即非一路兵額偶有關數衣糧之比並封樁以給提舉保甲司起教之費 八月二十七日權發遣同經制熙河蘭會路邊防財用馬甲乞免熙河路封樁新復五州軍關額禁

軍請受詔自今更不封樁其已封樁者撥與經制司
十月九日詔諸路封樁闕額禁軍錢穀並依元豐令隨
市直變易其不得減過元糴納價法除之

哲宗元祐元年十月十五日河北轉運司言今本路封
樁禁軍闕額請受請立法止於逐路樁管如有不可停
貯即令提刑司變轉見錢封樁從之 二年四月二日
樞密院言臣僚奏乞罷內外封樁禁軍闕額按照寧十
年二月詔旨內外禁軍已有定額三司及諸路計置請
受歲有常數其間偶有闕額未招募人充填所餘請受
亦合樁管竊詳詔旨內外禁軍係經熙寧已來節次減
廢併合各已立定實額即與舊日虛數不同朝廷為諸

路監司吝惜財費不務招徠致漸耗兵數無以督責遂
立約束關額請受悉行封樁迄今十年雖所樁到錢物
甚多未嘗輒借侖用今若悉罷封樁深慮諸路監司因
循觀望不肯留心蒐補兵備不唯有乖前日減併軍額
之意兼恐緩急關兵有誤大事詔除三路二廣更不封
樁外在京府界及其餘路分並依舊封樁仍只封樁衣
糧料錢餘亦與免 三年五月十七日詔府界諸路封
樁禁軍關額錢帛後來創置過禁軍指揮並先據數除
出候不及舊額之數方依條封樁仍著為令 紹聖元
年九月二十一日京西路轉運司言本路財賦素窘乏
乞特免封樁廂軍關額請受詔今後諸路廂軍馬遞鋪

闕額不及一分處並免封樁衣糧料錢闕額一分已上處與免一分元符三年六月十八日樞密院言勘會府界諸路封樁禁軍闕額請受并收租錢物係專充應副陝西新置蕃落及招置河北廣威等軍兵請受等支用契勘日近所在官司往往緣邊事支借過上件錢物即未有撥還之期竊慮有悞指準詔今後雖得朝旨許支借諸司封樁錢物其兩色錢即不得一例增支如違其應于官吏並依擅支借封樁錢物法科罪徽宗大觀二年六月二十一日詔內外馬步軍自今更不封樁衣糧應于闕額依舊招填其例物於已樁闕額錢物內支給三年七月二十二日詔應內外禁軍闕額請受

依熙寧元豐以來舊法封樁仍具狀申樞密院 政和
元年七月二十四日詔內外禁軍闕額封樁錢自今應
官司陳乞支借者及遣主司並科違制之罪應今日以
前借過未還者並注于籍限三年拘轄撥還仍先具逐
件錢物元借年月事因已未還數申樞密院今後每季
依此 四年八月十三日樞密副承旨范訥言京畿提
刑司乞免封樁禁軍闕額時服賞給等緣禁軍闕額請
給始自熙寧十年為頭封樁及元豐四年六月王得臣
申請封樁勘給式聲說應係合請衣賜賞給錢帛節料
衣襖之類並依旁式收破供申今來所乞有礙前後條
令詔申明行下餘路依此 八年五月二十七日樞密

院言勘會樞密院所管諸路禁軍闕額錢物並降指揮
變易輕貨上京於左藏庫送^納令宣旨庫立法今擬修
下條諸禁軍闕額封樁物應變易輕貨上京者逐州具
管押人職依姓名納訖年月日交付與左藏庫是何人
收領文狀入急遞申樞密院詔依修定 宣和元年三
月十三日樞密院言契勘在京及諸路內外禁軍闕額
封樁匹帛錢物不少竊慮內外官司用例起請借支截
撥使用詔內外官司敢有奏請借用者以違制論不以
去官赦降原減雖奉特旨衝改仰樞密院執奏 六年
三月十九日戶部奏前權發遣寧州游驍劄子諸州軍
封樁禁軍闕額旁每月並依見管禁軍於勾院通勘并

春冬衣賜及坐庫等既勘成熟旁往往逐處公吏偷盜
出上件熟旁與外人結合楷改便與見管禁軍一例夾
帶支請欲乞將已勘成熟旁令逐州長貳拘收毀抹未
勘者截日住罷安是有補漕計從之 高宗建炎元年
十月初九日詔諸路帥司及轉運司同其計會一路合
添兵數及每歲所收可以供贍若干可以令諸州各具
申尚書省樞密院及諸路帥司轉運司不得隱漏鹵莽
所有舊管軍兵止據見管人數外將合樁闕額錢亦計
入今來可充招贍新軍之數 二年二月二十八日詔
靖康元年正月一日至建炎二年正月一日已前逃
亡事故軍兵合支錢糧通為闕額數目除陝西路依舊

招填舊闕及京畿京西河北京東河南路依今來措置
專招可以制禦鐵騎振華新軍外餘路並令以前項錢
糧并已降指揮科撥窠名錢物相兼招置新法弓手及
本處闕額軍兵以尚書省言天下禁軍兵籍取會未
到欲且以靖康元年正月一日實管之數為準令諸路
提刑司計當見額管兵籍比較建炎二年正月一日見
管實數闕少若干先次施行一面具申樞密院御營使
司故有是命紹興元年六月二十六日福建路轉運
使朱宗言本路軍政敗壞主將兵官唯務姑息坐費廩
食欲今後禁軍有闕權住招填其闕額錢米別庫椿管
不得他用以備緩急支費詔依候本路盜賊寧息日依

舊招填 二年六月八日詔恢復丙軍兵經過州縣收
支過錢糧去處分委監司專差屬官遍諸州縣驅磨元
收到及實支見剩之數收其贏餘儲在別庫以待不時
之須免復斂民庶幾姦吏不得侵盜 以臣僚言自童
貫用事陝西已來財用費出不復驅磨因得侵盜蠹耗
比年軍旅存興州縣帑廩空乏不免取給於民而官吏
並緣為姦輒為一切科斂之政既不知兵行實數又不
知住程期日但憑探報虛增兵數寬約住程此請日限
斂取錢米有至數倍應用之數者事過之後乾沒其餘
或以豐己自利或以交結市恩上下謾不檢察民受其
弊故有是命 三年八月二十二日詔近降指揮委逐

路憲司取索起發以前合樁闕額禁軍錢物比復思之於民未便想所在州軍雖有不經兵火殘破者軍期調撥應副科敷力不暇給今立近限起發積年樁管定見追呼禁繫朕不忍焉可復令諸憲司疾速行下州郡將建炎四年以前未納錢物並行除放銷毀簿籍其紹興二年合樁納數令自紹興三年為始分作四限每年帶納一限十二年七月十日京西南路提刑司言本路諸州樁撥闕額錢緣累遭殘破所以微薄兼又抵近新界相去不遠難以責令樁辦望詳酌寬行展免三五年候州縣興葺稍成次第日依舊樁發戶部契勘隨州廟禁軍闕額錢物斛斗已承指揮免至紹興十一年終合

自十二年收樁其餘州軍免至紹興十一年五月分今
欲下京西南路提點刑獄司將本路州軍廂軍禁軍闕
額請受一例免至紹興十一年終仍並自十二年為始
收樁從之 十月二十九日知紹興府樓炤言昨緣奉
使韓球將諸軍闕額錢數請受申請行下本府認數封
樁起發紹興十一年十一月三日得旨展免一年自來
年為始認發工府常賦有限實無寬餘可以樁發詔更
與展一年候限滿依數起發 二十七年五月十四日
戶部言祕書丞楊拜弼言潭州舊屯駐大軍二千人續
減下一千人其廩食等錢係諸縣分認每月解錢七千
餘貫號曰膳軍並是巧作名目如收納麴引錢罪賞錢

約束錢罰錯錢賣紙錢詞狀到事錢諸色助軍錢之類
種種不一乞將見科贍軍錢以十分為率減免三分令
本州通勘應副今看詳逐項科取名色皆是違法雖稱
減免三分若不盡除誠恐未副朝廷寬恤之意欲下潭
州將見令科取名色並罷其見屯官兵歲計止以本州
係省財賦應副如或違戾委各路提刑轉運司按劾仍
免椿減下一千人米糧錢三十年八月二十三日戶
部侍郎兼權樞密都承旨錢端禮言諸路州軍明額請
給封樁每季起綱納左藏庫具數申樞密院注籍每上
下半年輪都副承旨點檢得旨令戶部拘催乞自今令
提刑司於逐州各選職官一員專行主管勘籍別庫椿

納月具開額軍分人數請給則例并檄到錢物數申提
刑司從本司檢察類聚李具一路逐州都帳供申樞密
院并戶部參照稽考如所委官隱漏失實並依無額上
供法科罪並從之 十二月十五日准東提刑司言秦
州額管禁軍兩指揮昨為累經兵火所管人數不及元
額自紹興十六年後來每歲那撥係有錢三百八十貫
米麥共五十六碩變糶見錢分作四季起赴行在送納
充禁軍關額請受承近降指揮將禁軍關額請給盡數
收檄每年合檄錢米衣賜等共折計錢一萬七千六百
餘貫委實關乏難以依舊管軍額檄辦乞但令本州依
遞年所檄數目按季解發候將來戶口增添荒田遍墾

元
限

稅賦稍復舊日依數樁發詔從之 三十一年五月六
日中書門下省言淮南京西路州軍及湖北路信陽軍
每歲合起禁軍闕額錢緣戶口全未如舊理宜優卹內
楚濠蔣州盱眙軍安豐軍已展元至紹興三十一年終
詔與放免五年內楚濠蔣州盱眙安豐軍自紹興三十
二年為始照免 孝宗隆興二年十二月十六日德音
赦楚滁廬光州盱眙光化軍管內并楊成西和州襄陽
德安府信陽高郵軍勘會逐州軍招填廂禁軍闕額請
給錢物內已有指揮免起年限竊慮未能樁辦可更與
放免二年 乾道元年二月三日詔令諸路帥憲司行
下所部州軍今後合起發封樁廂禁軍闕額請給等特

與免行起發其闕額須管措置招填七年二月十日知
臨安府韓孝古言本府崇節廟軍止管五百人今管一
千八百三十五人揀點得元所管五百人止有正身三
百四十九人合行存留其餘一千四百八十六人不是
正身皆係逃軍詭名之人已開落名糧一歲有減衣賜
糧米共計七萬二千四百貫二百五十五文有除於內截
撥錢支遣添置重祿公人請俸招刺廟軍五百人外餘
錢發人樁管聽候朝廷指揮從之 六月二十四日戶
部言鄂州荆南建康諸軍已差官點閱官兵內有冒名
承代並虛請揀汰等將來合減下錢物乞指揮放行詔
各令總領所令項樁管非奉朝廷指揮不得擅行支用

月具減下實數申三省樞密院 七月五日詔知閤門
事王柝荆南都統制秦琪同共點陳荆南官兵其減下
錢米令總領所令項椿管不得擅行支用 九年八月
三月樞密院言諸路州軍禁軍封樁闕額請給等依條
合行起赴左藏庫昨與免行起發招填須管數額據諸
處申到兵帳逐年依舊不敷元額詔令諸路帥司行下
所部州軍開具免行起發後逐年招到人數曾無敷額
其闕額未招人數請給等見作如何封樁支使逐一具
申樞密院

宋會要 食貨 月椿錢

起紹興七年訖乾道四年

高宗紹興七年正月六日戶部員外郎霍龜言竊見方今軍事所須而病民最甚者莫如月椿錢所謂月椿錢者不問州郡有無皆有定額所椿案名曾不能給其額之什二三自餘則一切出於州縣之吏臨時措畫錄而積僅能充數一月未畢而後月之期已迫矣願詔諸路守臣各條具逐州所椿之錢寔有案名者幾何臨時措畫者若為而辦上之朝廷召諸路漕臣稟決可否而嚴行之兼勸會江西湖南合認發岳飛軍月椿錢各有立定許取撥資次案名通取撥支用名色錢數竊慮隱匿詔令江西湖南州軍專委通判限十日開具自紹興六年分正月為始至十二月終本州每月經制上供係省不係省諸司諸色封椿不封椿錢各通共若干數目於內取撥應副過岳飛軍月椿錢係是何名色若干錢數支使外逐邑有無剩數如何椿管或作何支用了當及有無所取案名之外別措置到錢數係作何名目寔支充月椿若干有無見在數目逐一開具詣寔文狀申尚書省及具一般狀申本路轉運司仰本司官因巡歷所至州軍取索文狀與所申數目參照稽考如有漏落或不寔不盡並具因依開奏取旨施行即不得隱庇觀望減裂餘路分應副椿辦大軍月椿錢州軍依此施行

九月十八日赦江南東西兩浙湖南州軍認發大軍月椿錢從未並係
漕臣均下所部州軍收撥經制有額上供等錢應劄訪聞漕司有不斟量
州軍財賦所入多寡一例分拋致有不均去處深慮因而橫斂於民仰遂
路漕司更切相度所部州郡令取窠名斟量所入多寡增減均敷務要各
得均平易於椿辦八年五月二十五日上宣諭輔臣曰昨日士傑對勸
朕留意恤民朕之諭曰只如月椿錢之類欲罷未可若一旦得遂休兵凡
取於民者悉除之十二月十九日叅知政事李光言諸路月椿最為民
間重害而江東西為甚元降指揮許取撥應干上供封椿諸司并州縣等
不以有無拘礙上供經制酒稅課利及漕司移用等錢椿辦今江南路漕
司往往將移用等錢於逐州主管司專委通判拘收不許取撥乞下諸路
應月椿錢許將諸色錢椿辦如有餘方許漕司拘收貼黃稱諸路月椿錢
當時守臣不量民力有承認偏重去處重為民害如撫信二州是也乞行
下諸路漕司將逐州每歲所入均敷不得輒有輕重以傷民力當日宰執
奏檜進呈上曰朕累次說與宰臣更不肯理會若盡將上供等錢椿辦自
是不必料數令三省條具九年正月三日上諭輔臣曰朕每有意候遣
事平力務與民休息如月椿之類當悉蠲除五月內降新復河南州軍

赦諸路月椿錢元降指揮許取撥應干上供封椿諸司并州縣不以有無
拘礙等錢椿辦訪聞州縣並不遵守重敷於民顯屬違戾或令逐路轉運
司開具逐州見認數目的寔申朝廷當議據寔科撥 二月十三日尚書
省言江東西湖南兩浙每月椿發大軍錢係將朝廷并漕計等財賦應副
各有合取撥寔名從來多緣漕司不以州軍所入多寡均拋致有偏重或
將本司錢物支使止以朝廷寔名錢充辦因此收趁不足去處科擾及民
理合別作措置仍遵具到逐路月椿寔名詔令逐路轉運司將偏重不均
去處委本司官以縣州大小所入財賦多寡重別斟量均定務要輕重適
當易於椿辦仍仰據合取撥寔名先次收椿月椿錢數足方許應副其他
寔名支使如未足諸司並不得占留他用致科擾及民敢有敷敘仰提刑
司按劾奏聞違戾官吏並當重行貶竄仍許人戶赴訴 同日後殿進呈
措置月椿元降指揮諸路各有寔名但多為漕司占留遂不免敷及百姓
乞將逐路州軍均定不得偏重上曰若所撥寔名錢不足從朝廷給降應
副不得一毫及民朕欲養兵藉民力若百姓失業則流為盜賊矣 同日
中書門下省言逐路月椿錢已降旨揮令逐路轉運司將偏重不均去處
委本司官以州縣大小所入財賦多寡重別斟量務要輕重適當詔更令

戶部取見逐色窠名錢數如應副不足申取朝廷指揮 七月二十二日
上諭輔臣曰州郡月椿大軍錢尚有數缺於民以充數者可速行裁減各
量所入椿辦如有不足悉從朝廷應副毋使橫取以為民患 十年十一
月十八日臣僚言累年以來朝廷以江淮宿師調度至廣故令逐路州軍
每月將應干官錢椿辦以給其費初未嘗一毫橫取於民中間將元數減
損仰見陛下勤恤民隱惟恐擾之州縣使皆守法無有妄用則何患不足
而往往不知體認致奉行失當苟取糶數與市井角逐甚者至列肆鬻賣
酒茗欲望嚴詔諸路監司一切止絕仍將一路財賦椿收以取足辦詔令
戶部檢坐已降指揮申嚴行下 十三年二月四日戶部言江浙湖南路
分合起月椿錢各有立定合取撥名色如上供經制無額添酒錢并淨利
錢贖軍酒息常平錢及諸司封椿不封椿係省不係省等錢皆係朝廷窠
名錢數昨節次委官取索開具到諸州軍所起錢名稱前項窠名椿發委
見數足緣州郡借月椿為名別行科敷却作他用百姓不能通知今欲再
行約束如江浙諸州軍亦有似此去處仍乞令逐路轉運司照檢日下住
罷始尚以月椿為名擅行科敷並許越訴將違戾官吏乞朝廷數奏重加
嚴責兼契勘諸路置贖軍酒庫本為收息添助月椿詢訪州縣官巧作侵

用遂致應辦數少亦乞逕司照檢改正詔選路選委監司一員既見的確數目以聞 十五年四月十二日內降制江浙湖南路月椿錢從來各有立定所取策名雖已節次減免尚慮州軍艱於椿辦科擾及民可令戶部疾速取會若干條寔有策名若干條旋行擘畫不免敷及民戶數目候到開具尚書省取旨 十七年八月二十六日宰臣秦檜因論及州郡月椿錢上宣諭曰卿未還朝時朱勝非等創起月椿朕每以為非理屢與宰執言終未能大有蠲減卿可從長措置庶寬民力 二十八日宰執言近降指揮監司郡守不得進獻羨餘今却作修造及應副人情詔令諸路監司郡守將寬剩錢物椿管每季具的確數申尚書省科撥充月椿以寬民力不係月椿路分依此聽候通融科撥檜奏曰陛下志欲減免田租寔盛德之事今自蠲減月椿始 九月十四日宰執言戶部開具到諸路州郡月椿錢江南東路信州五萬四千餘貫徽州五萬八千七百餘貫宣州四萬九千七百餘貫江南西路吉州六千七百餘貫撫州二萬五千四百餘貫江州一萬一千餘貫建昌軍二千三百餘貫臨江軍四千六百餘貫筠州六千九十餘貫南安軍六千六百餘貫上曰科敷之類富者猶不能堪下戶何所從出可並特與減放檜曰指揮行下百姓想皆懼欣鼓舞上曰朕

備嘗艱難深知細民闕乏雖百錢亦不易得或有餘財即命椿留以備緩急支用 同日詔已減放諸路州軍月椿錢尚慮州縣因緣欺隱惠不及民仰提刑司覺察按劾聞奏 十月五日敕文閣待制知臨安府趙不升言竊觀近降指揮江南東西路十州月椿錢凡減放數十萬緡所以寬恤民計者至厚恩惠所被何有窮已訪聞日前諸縣以月椿窳名錢數或不足非理措置起發謂如雷戶詞訴保正等人申繳違限過數罰贖及公人等寺觀認納酒醋錢之類今來已蒙恩減放仍令提刑司覺察尚慮諸縣不能深體德意却將已前措置到錢物以不係科取為名依舊拘收別行妄用乞委逐路提刑司更切子細取見應副月椿錢外其餘創置窳名並行禁止如違許人戶徑赴臺省越訴從之 十八年十月十八日上宣諭宰執曰諸州月椿錢昨已減罷要當盡行除放庶蘇民力檜即諭戶部侍郎李椿年宋貺以經總制錢措置瞻軍 十九年十一月九日尚書省言昨令諸路監司即守將寬剩錢物每季開具尚書省撥充月椿今米逐路月椿錢撥填已見次第詔令諸路監司即守今後更不開具 二十六年閏十月十三日戶部言湖南諸州認發月椿錢四萬貫自有立定許取窳名如無枋木州縣自不合一州催科今欲下本路轉運司日下禁止施行

金疑金

具譚衡等於夏稅上椿辦一半折木錢仍開具有無指揮許行催科折納具詣寔文狀申取朝廷指揮從之

孝宗乾道三年閏七月二十三日詔蠲免郴州道州桂陽軍欠乾道元年五月以後月椿錢六萬七千貫有畸以經李金賊徒殘擾故也四年三月二十六日司農少卿總領淮東軍馬錢糧呂擇言鎮江府高郵軍揚州六合縣等處屯駐官兵每月合用券食錢六十餘萬貫米五萬六千餘石係科撥江東浙西月椿等錢江東西上供和糴等米並是權定之數州郡循習故常起發稽滯乞量立嚴最之法宜從本所檢察按治從之八月一日權發遣廣德軍曹述言本軍止管兩縣月椿錢每月起六千八百餘貫元額大重以江東一路言之如寧國軍所管六縣而月椿止九千貫徽州所管亦縣六而月椿止七千貫太平州所管三縣兼有黃池采石兩鎮酒稅月椿止七千貫南康軍所管三縣而月椿止於三千六百貫乞比附南康軍量減詔今後每月與減一千八百貫

全唐文

中興會要

內藏庫錢

高宗紹興四年四月十六日詔戶部供納內藏庫夏季見錢五萬貫令左藏庫以金銀折納以闕見錢從戶部請也紹興九年二月十七日詔行在皮剝所收到肉臟等錢今後遵依舊法並依內藏庫送納其日前已赴左藏庫納訖錢數仍限三日依數撥還十四年正月二十五日詔成都潼川府路應未起并截留支用還過合納內藏庫錢帛等並免改撥特與除放仍自紹興十四年為始依額將銷起發本色其餘匹帛等並計價折錢變轉輕賣起赴內藏庫送納

經總制錢

宋會要

起建炎二年詔嘉寧七年

高宗建炎二年十月十二日翰林學士知制誥兼侍讀葉夢得言宣和之初以東南用兵嘗設經制司取量添酒錢及增收一分稅錢頭子賣契錢等取之於微而積之於衆求之於所欲而非強其所不欲故酒價雖高未有驅之使必趣飲者也稅額雖增未有迫之使必為商者也其他類此而靖康初相繼遽罷欲望博延羣議更加討論經制錢除量添酒錢近已再行撥充造船外其餘名色有似此等可以暫濟急闕不至害民者願參取施行之又戶部尚書呂頤浩言經制財用之法始於陳亨伯其法措置條畫皆有倫敘循其法可以助國可以

裕民今邊境未寧多事之際養民禦敵財用為急既不可闕則此法尤不可廢蓋經制之事斂之於細而積之甚多且如增收典賣稅錢出於有力之家則不害下戶增收添酒錢斂之於衆合於人情不以為苦今日大計財用為急而此法無害於民賢於緩急暴斂多矣又知徐州沛縣事李膺言方今多事朝廷之費日廣嘗見昨來河北京東路經制財用司所收添酒糟糶契稅頭子等錢所收至微所得至多舊復行之所補不細戶部供到狀靖康元年節次已罷下項錢鈔旁定帖錢增添酒錢增添糟錢增收牙契稅錢鈔旁定帖錢檢會宣和元年八月指揮元豐以前並許州縣出賣不得過增價直

後來緣州縣公人於人戶邀求故宣和七年四月二十
八日指揮諸路推行鈔旁定帖令人戶從便自寫輸納
合同印記錢已是杜絕阻節之弊今遽逐官所陳於民
戶委無騷擾詔諸路鈔旁定帖依宣和七年四月二十
八日指揮令人戶自寫輸納依舊納合同印記錢仍專
委逐路提刑司拘收椿管不得擅行支用每季具數申
尚書省如敢支用依擅支朝廷封椿錢物法加二等科
罪三年十月二十三日臣僚言經制之法其始建議於
陳亨伯錢昂在陝西日公共商量以為可行至宣和初
陳亨伯為法運使推行於東南宣和五年陳亨伯為河
北轉運使又行於京東西河北路其法斂之於細聚之

則多而實不害於民如添酒賣糟錢出於人之自然即非押配官吏俸錢除頭子錢百分取一印契錢出於煎并之家無傷於下戶昨來河北京東西一歲之間得錢近二百萬緡所補不細今若行於兩浙江東西荆湖南北福建二廣一歲所入無慮數百萬計况邊事未寧養兵之際理財最急務苟不知出此緩急必致暴斂謂如勸誘助國之類是也與其暴斂於倉卒曷若取之於細微今除不便於民如納免行錢減罷曹官役人錢鈔旁定帖錢院虞候充獄子重祿錢牛畜等契息錢契白紙錢不可施行外所有權添酒錢量添賣糟錢人戶典賣田宅增添牙稅官員等請俸頭子錢并樓店務增添三

分房錢共五項欲令東南八路州軍收充經制錢別置簿書拘管委逐路提刑司兼領檢法官充屬官提刑每月支食錢三十貫檢法官二十貫縣鎮並限月終起發赴州并本州合收數專委守臣樞管令提刑司委屬官躬親遍詣逐州體度市價變轉輕賚限逐季起赴行在送納或召人兌便牒到限當日支給如州縣稍有隱漏擅便支使起發違限並依上供法科罪提刑司失拘催與同罪候及一年按其殿最而賞罰從之十一月二十日詔經制錢令尚書省每十日一次劄下逐路東南八路提刑司遵依已降指揮恪意拘收每季終便行盡數起發赴行在送納不得視為文具若稍有違慢致有隱

漏或不依限起發提行司官重行竄逐人吏決配海島
紹興元年四月四日戶部侍郎孟庾言勘會諸路所取
無額錢物昨為窠名繁多州郡得以侵隱魚令提刑司
具帳催督起發近緣供申帳狀多不依限繼承指揮添
酒錢一項依舊作經制錢拘收亦係無額名色相同從
來帳狀不一作兩色供報州縣得以侵欺今欲乞將諸
路所收無額經制錢物每季只作一帳供申並限次季
孟夏十五日以前具帳及起發足餘並依見行條法從
之五月二十日兩浙路提刑司言今來諸州縣所管戶
絕市坊場并舊法衙前等欠鹽析產屋宇雖屬常平司
及茶鹽司所隸既係人戶佃賃皆是係官屋業其月納

并年納房賃錢事體無異竊恐亦合一等增收三分賃錢充經制錢起發資助行在贍軍支用從之七月二日臣僚言七色錢先撥隸發運司充糴本係通判專一拘收後來將增添牙契等錢撥充經制錢專委守臣拘收起發充朝廷支用竊見未撥入經制司以前通判所管發運司上件錢物多緣道路不通不時起發其發運司未嘗究治伏望專委本路監司一員及差能吏分詣諸郡驅磨將見在錢物盡數起發赴行在送納詔依仍專委提刑司拘收變轉輕費起發從之二年正月十八日知池州劉洪道言契勘本州屯駐指揮諸頭項統制官張俊軍馬日用錢糧依准節次畫降指揮取撥江東路

州軍應干諸色上供錢經制茶租茶本錢紹興元年分
下限鑄到年額新錢建炎二年分下限額錢提刑司經
制錢並充本軍支用詔特與除破三月二十八日戶部
言今來諸路添酒等錢五項已承指揮依舊作經制拘
收限次季孟月二十五日以前與無額錢物作一帳供
申及起發數足竊緣州軍季內收到錢物若候次季起
發得以侵用今欲乞將諸路所收經制無額錢物已降
指揮於本季終先次起發赴行在送納餘依見行條法
從之三年二月十八日兩浙東路提刑孫近言乞將諸
州所收經制錢專委通判只就本廳置庫拘收逐季終
盡數撥赴行在戶部勘當經制錢元指揮專委守臣椿

管緣守臣係掌一郡財賦多是侵占支使解發減剋欲
依本官所乞施行諸路依此從之三月二十八日兩浙
西路提刑司言本司所收五色經制錢內除權添酒錢
等外所有合增收頭子錢蓋謂當來申請元無定額致
本路州縣所收錢數不同雖宣和間盧宗原申添收諸
般頭子錢後來已行住罷今來即未審合與不合拘收
起發戶部言欲下兩浙西路提刑司更切檢照州縣元
初陳亨伯推行之時所收數目施行如委實不見得陳
元收則例即便權依宣和六年指揮則例數目行下一
體督責拘收起發施行餘路依此從之四年四月七日
詔廣南東西荆湖南路提刑司當職官吏令逐路轉運

司取勘限一月具案奏聞以戶部言經制無額錢全籍
季申帳檢察而逐路供申遲慢最甚故也十日澧州言
切見鼎州已得旨權免椿發經制無額錢物本州傷殘
之後事力比鼎州百不及一其經制無額等錢委是椿
辦不敷乞行蠲免從之八月二十四日戶部言右宣散
郎高公極前任福建提刑司檢法官任內拘催起發過
經制錢三十五萬二千四百餘貫即無隱漏乞行推賞
詔高公極與減一年磨勘五年閏二月二十五日叅知
政事孟庾言准勅差提領措置財用臣除已依稟施行
外今具合行事件下項一乞以總制司為名一乞令
禮部下文思院鑄印一面仍以總制司印為文行移取

索文字並依三省體式一應本司措置事務依例進呈
得旨並關中尚書省從之四月十六日臣僚言切見朝
廷講究財賦誠為急務即今財用賦入之利莫大雜稅
茶鹽出納之間若計每貫增頭子錢五文所得之利歲
入不少乞詳酌施行專切措置財用司言茶鹽已復鈔
價其頭子錢難以增添外所有諸路州縣出納係省錢
物所收頭子錢依節次所降指揮條法每貫共計收錢
二十三文省內一十文省作經制起發上供餘一十三
文並充本路州縣并漕司支用今稽考得州郡見各收
納不一今欲依所請令諸路州縣雜稅出納錢物於每
貫見收頭子錢止量行增添共作二十三文足物以實

價紐計一體收納其所收錢除漕司并州軍舊來合得
一十三文省外餘數盡行併入合起經制窠名帳內依
限計置起發補助軍須如州縣舊例所收多處自從多
收從之二十日尚書省言近經畫者戶長顧錢并抵當
庫椿四分息錢及轉運司移用錢與勘合朱墨錢并出
賣係官田舍錢及赦限內典賣田宅牛畜等印契稅錢
并進獻貼納錢與常平司七分錢及茶鹽司袋息錢并
人戶典買物業勘合錢並依已降指揮令諸路州縣遇
有收到錢物各即時令項椿管纔候及數依限起發赴
行在送納如更有以後節次措置到別色錢物各依此
別項椿管以備應辦軍期支用詔依仍令戶部限一日

具節次措置到錢物指揮申總制司今後遇承受到指揮限日下供申本司置籍拘管仍將應措置到錢物令本部每三日一次拘收及令行在交納庫務每日具每色納到數目逐路各若干申總制司照會二十八日總制司言專切措置財用言人戶稅賦畸零之數依條聽納錢并與別戶合鈔納本色官司至納畢於簿末結計正數及合零就整每色剩納到數畫一朱書令承批送下臣僚陳請州縣自有定額緣人戶有析居異財以一戶分為四戶或六七戶絹綿有零至一寸一錢者亦收一尺一兩米有零至一勺一抄者亦收一勝之類自大宋有天下垂二百年民之所居者既多而合零就整之

數若此者不可勝計往往鄉司隱沒入己或受過人戶
價錢或攬過催頭錢物抱認數目悉以合零之物充之
官私催科已及正額遂不復根究所謂合零就整者盡
入猾胥之家誠為可惜勘會稅賦畸零剩數雖依法於
簿末結計竊慮未至詳盡欲依本官陳請下諸路轉運
司行下州縣別置簿拘管逐年委通判點檢依條折納
價錢別項樁管專充上供從之同日總領司言專切措
置財用申二廣福建江南東西路免役一分寬剩錢若
無災傷減闕支用並令發赴行在及兩浙西路役人顧
錢除歲用外餘錢應併大軍支用並已得朝旨施行外
有浙東湖南北路欲依臣僚所乞事理將理到顧役用

外剩錢發赴行在送納從之五月十四日總制司言近
朝廷節次措畫收到錢物依已降指揮並令別項樁管
起發赴行在應辦軍旅支用自承上件指揮雖已創下
所屬監司收拘起發緣收到數目起發日限例皆不等
謂如有每季一次起發者有分上下半年起發者有收
及一萬貫方始起發者有不收到多少便令起發者如
此之類既不齊一不惟散漫難以稽考亦慮州縣因而
移易隱漏今具下項 一近措置經畫窠名轉運司移
用錢勘合朱墨錢出賣係官田錢人戶典賣田宅牛畜
等於數限內陳首投稅印契稅錢進獻貼納錢者戶長
顧錢抵當四分息錢人戶典賣田業收納得產人勘合

錢常平司七分錢見在金銀日結與四年十一月二茶鹽

司袋息錢等橋還舊欠裝運司代發斛斗錢欠係州縣見

稅錢內收橋兩浙江東收納頭子錢每貫收納錢二十

分江西南兩二分并軍支用外有錢一十六文九分依舊應付漕司并官戶不

減半民增三分役錢見橋數二稅畸零剩數折納價錢

免役一分等剩錢 一諸路州軍各委通判一員專一

拘收前項合起發并日後續有措置經畫錢物令所委

官子細檢察拘收類聚所委通判廳交割與本州軍收

到錢物一處橋管非奉朝旨分文不得輒支用 一今

來收到錢不以多少數目今所委通判每季起發今年

夏季為始未降今來指揮已前或有未發季內或有已

發並據實收數發次季以後將一季內收到數起發施行庶易於稽考仍每季遇合發日具錢物數目申州日下依條差官管押赴行在送納及依下項細開具綱解申戶部照會拘收其一般事狀申總制司轉運司移用錢若干餘色依此已上總計名物各若干 一今來合發錢物內錢如係汧流州郡即起發見錢不係汧流州郡仰所委官依市價變轉輕費金銀起發仍子細看驗不管夾帶銅錫偽濫之物及不得虛擡小估價例有虧官私 一方今朝廷養兵日益增全仰經畫錢物相兼應備其所委官自當體認公共協和拘椿起發不容稍有欺隱如奉行有方不致隱漏或廢弛苟簡少有失陷

取旨重行賞罰仍令所隸監司常切檢察 一今來所
拘收起發錢物並係朝廷日近措置經畫案名並不侵
取州郡經常支用并自來合發上供錢物今欲申明行
下所有自來合發上供錢物糧斛仰所屬依條限起發
施行如或稽滯戶部按劄施行從之同日詔諸路所收
總制錢專委通判一員拘收檢察別庫椿管其所委官
廢弛苟簡稍有欺隱失陷並當取旨重作責罰仍令提
刑司常切檢察八月八日江南西路提舉茶鹽常平等
公事司言在法應給納常平免役場務淨利等錢每貫
收頭子錢五文足專充經制錢起發今來諸色錢物每
貫收頭子錢增添共二十三文足既作橫歛有補經費

僕作侯
賜作滿

其常平司錢出納理合一體欲乞依例收頭子錢二十
三文足除五文依舊法專充常平等支費外其增收到
錢與經制錢作一項窠名起發專切措置財用言欲依所
申事理施行仍令戶部行下諸路常平司依此施行從
之六年五月十六日詔諸路州軍每季所收經制錢並
限次季五月內起發數足十月二十六日戶部侍郎王
僕言乞令諸路提刑司將所收經制錢窠名錢物帳狀
供申日限隱瞞不實起發違慢斷罪並依經制司額上
供錢物條法從之十一月三日尚書省言諸州及管下
縣鎮場務所收經總制司錢元降指揮縣委知令拘收
發赴通判廳聚每季發赴行在非奉朝旨不得支用恐

經一
作總

監司州郡或以應辦軍期之類為名擅行借兌拘截取撥支用欲乞依監司郡守轍將經制司錢擅行兌借拘截取撥及知令不即拘收起發轍有侵支互用者並依諸路州軍通判已得指揮斷罪條法施行從之十年十二月十五日總制錢若比額虧欠並依經制錢展一年磨勘二分以上取旨施行十一年十二月十日戶部言乞諸路所收經總制錢若無專降指揮指定窠名支撥不_以是何官司並不得拘收截撥州縣及所委官司不得應_付雖承受許取撥諸司錢指揮其經總制錢亦不在數內如違其所委通判并取撥官司州縣轍將經總制錢擅行應_付借兌拘截取撥及不即拘收起撥轍有

侵支互用者內所委官并當職及取撥官並先降兩官
放罷人吏徒二年各不以去官赦降_轉減仍令提刑司
檢察將違戾去處按刻施行從之十二年五月九日戶
部言兩浙東路提刑司檢法官孫伯康幹辦公事達汝
州王詵拘催過一路紹興十一年總制錢一百八十九
萬九千二百一十餘貫別無隱漏乞行推賞詔依經制
錢條例推賞諸路依此施行十三年三月八日浙西提
刑王鈇言總制錢物比之經制無額窠名尤多欲將總
制錢人吏依經制無額錢已得指揮以三年為界候界
滿無失收錢及起發無違限許與轉一資詔依諸路州
軍准此十九年戶部言據淮西提刑司開具到紹興九

年至十一年所收經制錢數目參照得內有當時係經人馬侵犯年分今來已是平息欲權將最高年分為額自紹興十三年為始如提刑檢法官能悉心奉行至歲終拘催錢數及數乞保明推賞內舒和蘄黃廬州無為軍通判拘收錢及數各與減半年磨勘若虧額並展一年磨勘光澤州安豐軍通判及數各與興隆一年名次如虧及一分以上並展一年磨勘今權立賞罰候將來及三年令提刑司別行開具增立錢數申取指揮施行十六年三月二十四日權戶部侍郎李朝正言諸路每歲所收經總錢依元降指揮委本路提刑并檢法幹辦官點磨拘催歲終數足許比較推賞本部欲將經總制

錢數通案紐計比較遞年增虧依立定分數殿最增一分以上減三季磨勘二分以上減二年磨勘四分以上減三年磨勘六分以上減四年磨勘虧一分以上展二年磨勘二分以上展三年磨勘三分以上展四年磨勘從之五月二十八日戶部言諸路經總制無額錢物係專委通判檢察造帳畢驅磨今來所委官并提刑司置而不問弊倖百出欲今後諸州通判每季收支經總制無額錢物隱落失陷不滿一分展磨勘一年一分以上展磨勘二年一分五釐以上展磨勘三年二分以上展磨勘四年仍令諸路提刑司自紹興十六年分所收錢物為始每歲開具點磨到逐州軍各有無隱落失陷分

數通判并提刑司官職位姓名合展減磨勘申部覆實
責罰餘依已降指揮從之七月二十五日江東提刑司
言乞將經總制錢自紹興十七年為始諸縣委縣丞無
縣丞委主簿專拘收檢察本縣并酒稅等處應合收雜
色錢物須管盡實分椿窠名專置庫銀椿管依限解赴
通判廳團併起發及依時拘催供攢帳狀若有應收而
不收之類致本司及通判點檢得失收錢物其所委官
乞依通判已得指揮責罰每歲至歲終拘收齊足別無
隱落失陷乞從朝廷以每歲收到錢數多寡量立賞格
戶部言今勘當欲令諸路提刑司專委縣丞如無縣丞
處即委主簿合得窠名用旁照驗逐一驅考拘收並於

本縣別用庫眼收椿所委官專一管掌出入依條限解
發如輒敢侵支互用與供申帳狀漏落不實起發違慢
等事並依專降指揮并見行條法施行仍令提刑司每
歲至歲終取索諸縣的實收到錢物比較前三年所收
除虧欠去處自合根究侵隱因依依法施行外將最增
縣分一兩處開具縣丞或主簿職位姓名保明量度推
賞庶使責任專一有以激勵從之十八年十月十八日
上宣諭曰諸州月椿錢昨已減罷要當盡行除放庶蘇
民力宰臣秦檜即諭戶部侍郎李椿年宋貺以經總制
錢措置贍軍十九年九月六日詔右朝奉大夫直秘閣
知合州宗穎右承議郎通判姜邦光右奉議郎添差通

判朱習並放罷以擅行借兌經制錢一萬餘貫并拖欠
原額為戶部所劾也二十一年二月二十四日太府少
卿徐宗說言為國之道財用為本方今經費所賴之大
者經總制錢物舊委守臣樁管起發歲終按其殿最賞
罰後因臣僚論列慮守臣侵用遂專委通判拘收提刑
司驅磨失陷催督起發又立定對行賞罰條格其後無
供最少之數遂致合推賞者例不得其賞切恐錢物愈
更失陷乞下有司別行措置令知通同共樁辦通判專
行拘收樁數以發到錢物立定賞格知通均受其賞詔
令戶部措置中尚書省十月五日戶部言諸路州軍所
受經總制錢物州委通判縣委知令檢察及令提刑司

歲終比較虧欠賞罰緣經總制錢多出酒稅正係州府
職事守臣既無賞典難以責辦欲乞委知通同共檢察
盡實分隸專令通判拘收令置庫眼椿管仍令提刑司
依已降指揮取索點檢如有應分撥而不分撥或侵用
失收等許行奏劾所有知州合得酬賞依通判格法施
行從之二十六年七月十七日左朝散大夫權尚書禮
部侍郎賀允中言比年以來經總制錢立額以紹興二
十六年以前中最高者一年十九年之數為之其當職
官既有厚賞以誘其前又有嚴責以驅其後額一不登
每致橫斂民間受弊望詔有司經總制錢改立歲額以
中為制詔令戶刑部看詳申尚書省十一月十二日尚

令作連

書倉部郎中黃祖舜言郡縣有經制總制二司合收錢
初無定額只據逐年所收之數起發上供昨來搭克之
臣輒有申請以十九年最多之數為定額自是郡縣騷
然民受其害望申命宰執行下戶部乞自十九年之外
有稍高年分或有少損其數詔令戶部將十九年後二
十五年前取酌中一年立為定額申尚書省二十七年
五月二十日戶部言奏保諸州經總制無額錢物酬賞
類多不實欲下諸路提刑司今後逐一點勘錄令朱鈔
申審戶部限五日回報候報許方得保奏從之二十八
年二月五日詔諸路所收經總制無額錢自今年為始
須管盡實分隸依額發納至歲終索旁照驗駁磨比較

開具州軍所趁增虧數目合得賞罰當職官名銜供申
從本部考實依法賞罰施行提刑不為開具或將合罰
去處隱庇即具本司當職官申乞朝廷重行黜責三月
二十八日戶部言諸路州縣二稅畸零剩數乞依舊作
總制窠名起發從之二十九年六月二日荆南府通判
張震言管下公安石守縣建寧鎮三處稅場已行減罷
兼自凋瘵以後民力未復除豁經總制錢四千六百九
十六貫七百五十七文戶部言荆南北之其他路分州
軍不同若依額起發切慮無可收趁欲下本路提刑司
取見詣實際除豁施行從之七月十五日右正言都民望
言乞申有司契勘近年併罷稅場及免納過稅數目許

令除豁年額經總制錢從之三十年二月二十九日詔
經總制錢諸路一歲虧及二百餘萬緡令提刑司檢察
將諸州公庫不許違法置店賣酒日下改住罷其巧作
名目別置軍糧酒庫防江酒庫月樁酒庫之類并省務
寄造酒及帥司激賞酒庫應未分隸經總制去處並日
下立額分隸補赴虧欠元額仍自今年為始須管從實
拘收限次季孟月二十五日以前差官管押離岸不得
於帳狀內存留見在却稱見行起發故意作弊務要歲
終數趁足額如日後尚敢循習違戾致依前虧欠州縣
委提刑按劾如憲司依前不行覺察許本部按劾施行
五月二十一日楚州言每歲合發經總制錢二萬七千

四百餘貫緣自兵火侵百姓凋瘵甚於他州酒稅課入
絕少乞將紹興三十年夏季以後合發錢與免一年從
之八月十四日臣僚言經總制錢多出於酒稅頭子牙
錢分隸歲之所入半於常賦然建炎以來議者不一或
欲專委守臣或專委通判或又欲知通同掌所議既異
法亦屢更自紹興十六年因李朝正言專委通判拘收
通判既以自專因得盡力於是歲之所入至一千七百
二十五萬緡無可議者妄有申請二十一年十月始降
指揮命知通同掌通判既壓於長官之勢恣其侵用莫
敢誰何迄於九載無歲不虧欲望復舉行十六年專委
通判指揮仍令就本廳置庫躬親出納不得付之屬官

如通判不能拘督守臣違法占恤不容分隸仰提刑司
常切檢察並許戶部按劾重寘典憲照依內無通判去
處委簽判掌管十一月二十九日戶部侍郎兼權知臨
安府錢端禮言近承勅命指揮備坐臣僚劄子乞將紹
興十九年以後十月內經總制錢取酌中一年之數立
為定額聖慈灼見其弊下戶部看詳緣前來已曾降指
揮止是申明行下逐路取索久未與決今來欲乞據本
部按籍參照依臣僚所乞於十年內取酌中一年之數
立定為額行下諸路提刑司如數拘催發納不管拖欠
額數庶幾事有定論 貼黃 稱又本部近將兩浙東
西路秋季經總制錢給憑拘催比對去年之數增收二

十四萬餘貫今來既已立定新額欲將近便路分依兩浙路給歷拘收庶免失陷詔依於是戶部開具諸路軍餉元額并遞年額各隨諸州軍府數目於內取酌中數定為年額有差十二月八日上諭輔臣曰頃日臣僚論經總制以十九年為額大多已降指揮昨日黃應南又乞除放已前年分所欠積下錢數卿等宜令戶部具十年數內取其酌中者立為定額仍比十九年數合減多少十年內通欠若干若不與除放及減歲額恐虛掛簿書又慮州縣科敷取足困弊百端宰臣陳康伯奏曰聖德寬明灼見事源謹領聖旨二十一年五月二日詔婺州通判呂晉夫與展一年磨勘以戶部言稽考本州經

總制錢虧欠五分以上故罰之仍令催督起發歲終別行比較也八月六日詔諸路州軍未起二十六年二十七年經總制錢特與除放所有二十八年以後拖欠之數令提刑司督責補發十月四日特御史中丞充湖北京西宣諭使汪徹言成閔一軍人馬支過經總制錢乞令行在至湖北官將今年一州統收之數撥下大軍經由縣分通融支遣所有借過人戶錢乞從縣道將折納今年以後本名諸色官物却依舊於經總錢內豁破從之三十二年四月七日淮南路轉運提刑司言淮東州軍近因賊馬蹂踐其州軍經總制錢乞免分隸起分於是戶部言盱眙軍已降詔旨與免五年泰州已免一年

楚州展免二年從之十八日安豐軍言近緣賊馬未能就緒所有每歲合椿發經總制無額錢難以椿收詔全行展免一年孝宗乾道元年十月十二日臣僚言諸路州縣出納錢物每貫收頭子錢三十三文足欲每貫添收錢一十文足乞專委逐州軍知通拘收詔每貫添收錢一十三文省充經總制錢委通判拘收入帳通舊收錢七文共二十文仍將今來所添錢數別作一項每季發納左藏西庫補助經費支遣十二月十四日戶部侍郎李若川等言諸路州軍每年合發上供折帛經總制無額等諸色錢並係指準應_例經常支用其間多緣州軍循習截撥支使窠名不一委是侵損歲計乞下諸州

軍自乾道二年為始不許截撥並仰各隨窠名收樁依條限起發從之二年十二月五日詔經總制錢窠名繁多若令守臣管幹恐不專一依舊令知通同共拘催縣委令丞管幹如無通判縣丞處委自簽判主簿掌管如任內所收錢限內起發比額有增依見行格法知通分授酬賞若比較有虧依已降指揮責罰仍令提刑司檢察如有侵隱妄支具姓名按劾先是臣僚言州郡經總制錢多不及額蓋由專委通判縣丞而州縣之權實在守令欲在州專委守臣在縣者責之縣令仍令提刑司嚴行寬察故有是命三年三月十九日浙東提點刑獄司言本路諸州軍所收經總制無額三色錢物如收

及額各有立定酬賞唯無額一色錢數最少賞典最優近年以來多是將經總制錢暗行那撥苟求優賞其經總制之數却致虧欠乞自今應知通陳乞無額錢物酬賞須候本年經總制錢依額數足方許陳理從之八年八月四日新除度支郎朱儆言經總制錢額自諸州通判專一拘收歲之所入至一千七百二十五萬緡總命知通同掌而歲之所虧至二百三十萬緡故曩者版曹之臣以此奏陳專屬通判其後又因臣僚劄子乞委守臣於是知通同拘催分撥酬賞之制夫州郡錢物常患為守者侵取經總分隸之數而多收係省以供妄費此經總制專任通判之意今使知通同掌則通判愈不

得而誰何乞將經總制錢仍舊委之通判而守臣不預從之既而戶部尚書楊俊言若令通判拘催專任賞罰切恐守臣妄生異同不能協力乞照乾道二年指揮令知通同共任責分賞從之十一月六日詔將乾道四年五年諸路州縣拖欠未起上供經總制等錢米特與蠲放日下銷落簿籍不得再有追理如違許民戶越訴監司覺察按治從中書門下請也十二日權戶部尚書楊俊等言諸州經總制錢依續降指揮每月據所收錢數解發限次季孟月二十五日以前起足今次季終尚有拖欠去處乞許臣等將最違慢州郡官吏按劾其前案執侍從領郡亦例行奏聞從之淳熙二年二月五日詔

知秀州張元成通判黃師中各降一官以憲司言經總制錢比諸州虧額為多故也三年四月十二日戶部言乞照諸路提刑自今保明通經總制賞候任滿取見逐考所收錢別無虧少起發依限方許保明從本部參考如妄將不應合得酬賞保明送所收屬根勘取旨行遣其虧欠去處依格對行責罰庶革欺誑之弊從之六月二十九日戶部尚書蔡洸言諸州歲發經總制錢一千四百餘萬貫近多虧欠乞嚴飭諸路提刑司責州郡當職官吏將合發經總制錢盡實分隸依額收椿解發仍從本部覺察如分隸不盡比額虧者具當職官姓名取旨從之七月二日執政進呈湖秀州積欠經總制錢最

張杓下有
脫落

多上宣諭曰趙師夔雖已去官可併將上取旨後三日
戶部具到嚴州淳熙二年分上供經總制等錢六十八
萬餘貫並無拖欠知州魏楫湖州三年共欠四十三萬
餘貫知州趙師夔秀州二年共欠二十五萬七千餘貫
知州周極詔魏楫特轉一官與監司差遣趙師夔周極
各降兩官嚴州通判張杓十八日臣僚言諸路州縣經
總制錢有因災傷減免及年深蠲放之數而戶部科撥
下總領所不曾豁除總司督責如故不唯擾民亦誤總
司指準乞與銷豁免詔戶部有合蠲免者不得衆同
催擾十月九日詔以降指揮自今諸路提刑司保奏到
知通改內所收經總制無額錢賞委戶部并司勲審會

疑有脫誤

內藏庫如無拖欠本庫上供諸色窠名錢物方許放行
其戶部既已審會分明熟更不須再行重疊留滯從吏部而
書程大十二月二十三日臣僚言經總制錢多出鹽茶
與夫稅賦之所入自紹興三十年臣僚建請始立定額
下諸路提刑每歲如數拘催發納有限起辦有賞違欠
有罰雖凶年饑歲有司督趣益峻而民始以為病乞將
諸路經總制錢如遇州縣災傷年分本處知通權免比
較賞罰其課利場務並令遵見行條法依所放災傷分
數比免從之十年八月二十八日詔戶部將淳熙八年
終已前經總制錢拖欠及未起錢數並特除放自特與
轉一官湖州袁祖忠特降一官万俟卨中展二年磨勘

今收
上有收

秀州通判庖師醇特降一官十月八日詔辰州合發經
總制錢就令本州折兌充歲計支費以守臣伊機言本
州昨緣歲計不足朝廷以岳州荆南常德府三處支機
錢一萬二千貫充支費緣經涉江湖險隘湍激恐有不
測故有是詔五年三月十七日江東提刑丁時發等言
廣德軍通判董洋將所收經總制錢移用詔董洋特降
兩官放罷六年九月十六日明堂赦諸州軍歲經總制
錢虧額甚多其間有委是收赴不辦處竊慮枉費行移
虛掛欠籍兼恐州郡因而科擾於民可令戶部將州郡
淳熙四年以前十年所虧錢數參照如果經催促全無
補到者並與消豁

九年明堂赦

將七年

今收趁虧額其

知通并提刑司官屬委本部覺察依條施行戶部尚書王佐言經總制錢歲額一千五百萬貫紹興三十年內取酌中一年之數立為定額賞罰年來寢生姦弊或偶無收則便於帳內豁除而創生窠名更不入帳分隸遞年積壓直待赦放竊恐暗失經費故也十五年八月十四日廣西安撫詹儀之言乞將本路諸州遞年合解行在及湖廣總領所經總制錢以三分為率許用一分會子二分金銀解發從之淳熙十六年二月四日登極赦諸路軍合發經總制錢紹興三十年曾降指揮酌中立額當時戶部不體德意却用十年最多之數是致州縣艱於赴辦臣僚頻有論奏兼兩浙江東西湖南路月

椿錢及糴降本錢亦有數額太重去處可令臺諫侍從同戶部長貳詳悉措畫聞奏當議斟酌施行庶寬民力既而吏部尚書顏師魯等奏照得近來間有州軍乞減錢數與戶部所減之數並合不同竊慮未至盡竇乞下諸路提刑轉運司仰取見詣實數目供申戶部以憑減豁於是戶部措置將江東路饒州經制錢減二千貫總制錢減八千貫月椿錢減一萬五千貫降本錢減八千貫池州經制錢減七千貫月椿錢減六千貫南康軍經制錢減三千貫月椿錢減四千貫降本錢減一千貫信經總制錢各減三千貫月椿錢減一萬貫寧國府經制錢減五千貫總制錢減二千貫建康府經制錢減五千

貫總制錢減四千貫廣德軍經制錢減二千貫月椿錢減六千貫徽州經制錢減三千貫月椿錢減四千貫江南西路隆興府月椿錢減一萬五千貫經總制錢各減五千貫贛州月椿錢減六千七百五十二貫降本錢減一千貫經總制錢將本州虛額錢四萬餘貫盡行蠲減及於元額內更減二萬餘貫吉州月椿錢減一萬七千貫經總制錢各減六千貫筠州月椿錢減二千貫袁州月椿錢減二萬五千貫經總制錢各減五百貫臨江軍月椿錢減六千貫經總制錢各減一千貫撫州月椿錢減七千貫經總制錢各減二千貫江州月椿錢減六千貫經總制錢各減五百貫建昌軍月椿錢減六千貫經

總制錢各減五百貫興國軍月椿錢減三千貫經總制
錢各減二千五百貫南安軍月椿錢減二千貫福建路
福州經制錢減三千貫總制錢減一萬貫建寧府經制
錢減八千貫總制錢減八千貫南劍州經制錢減八千
貫總制錢減一萬六千貫邵武軍經總制錢各減三千
貫興化軍經總制錢各減一千貫泉州經總制錢各減
二千貫漳州經總制錢各減二千貫淮東路通州經總
制錢各減二千貫泰州經總制錢減二千貫淮西路舒
州經總制錢減四千貫蘄州經制錢減一千貫總制錢
二千貫無為軍經制錢減四千貫和州經總制錢共減
四千貫浙西路常州經總錢減三千貫月椿錢減二萬

貫湖州經總制月椿錢減五千貫並從之紹興元年四月二十一日臣僚言經總制月椿板帳錢初立定額所在州縣迫於監司行移赴辦不敷則巧作名色科歛於民如經總制不足即令民戶於丁田米稅役錢每石每鈔有暗收補虧錢商旅經由場務征税之外則有貼納補助錢月椿板帳不足即令民戶於祠狀著到或納買鹽錢或納甲葉錢爭訟理直則納鹽醋錢理曲則有科罰錢似此之類所在不一惟兩浙江西福建廣右為甚欲乞先行下兩浙江西福建廣西路轉運提刑司應州縣日前以經總制月椿板帳為名巧作名目科歛民錢以足額如臣前所條陳者嚴行禁止然後次第戒約諸

路有似此類一例住罷如有違戾許人戶越訴從之二年八月十九日詔平江府合發經總制錢每歲與減二萬貫盡於常熟縣版帳錢內除豁令轉運司抱認五千貫平江府抱認一萬貫本部抱認五千貫先是知平江府袁說友言淳熙十六年章恩赦減諸郡經總制錢額如湖州每歲已減十五萬秀州亦減十二萬平江大郡僅減三千緡比之湖秀所減不及五十分之一戶部且言雖降指揮本府除豁三千貫外若不更與蠲減竊慮艱於赴辦繼而吏部侍郎沈揆復言常熟縣版帳錢額太重乞與蠲免故有是命十一月二十七日南郊赦應諸路州軍合起經總制錢並已蠲減元額以寬民力今

遼
廷
誤

來尚慮州軍奉行不虔復行別作名色妄有催理如有
違戾去處仰鹽司常切覺察按劾以聞嘉泰三年二月
二十一日戶部侍郎王遂奏經總制之法起於建炎條
畫申明參酌中制詳於紹興會計實納減免數目又備
於淳熙至於專委知通有賞有罰則慶元重修格令纖
悉無遺準格經總制錢及額無違限拖欠知通同減磨
勘又令經總制錢物知通專一拘收如違限拖欠並行
按劾賞則知通同賞罰則知通同罰責任之意初無輕
重而任責之人自分彼此各欲取贏義不相濟脫有不
足則歸過于人臣嘗推究其致弊之源蓋郡有大小勢
有難易大郡帥守位貌尊嚴通判既入簽廳凡事不敢

違異往往將經總制錢窠名多方拘入郡庫不肯分撥
為通判者亦無如之何至於小郡長貳事權相若守臣
稍不振立通判反得以制其命督促諸縣追無虛日本
州合得之錢亦以根刷積欠為名掩為本廳經總制名
色積聚雖有盈羨不肯二毫為州縣助取以妄用間亦
有之利害相反自為消長違限虧額職此之由欲望申
嚴行諸路提刑司照元降指揮將諸色窠名合分隸經
總制錢令知通同共掌管不得以強弱相凌遞互侵越
自為取辦之計歲終比較賞罰同從之十一月十一日
南郊赦文諸路經總制虧額錢已放至慶元四年終尚
慮自後間有收趣不敷去處可令戶部將嘉泰元年終

以前虧欠錢數並與蠲放嘉定四年四月二十九日臣僚言經總制錢無常入而有常額州縣歲月之解往往不能充額於是有假經總赴辦之名以為侵漁自私之計開告契之門甚者藉其價錢而沒入之版曹總所其數常不充徒足為汙吏之資今誠使版曹總所稽考諸州五年之間其解之多者至若干少者至若干中者為若干虧數然後酌取其中為額路以下之州州以下之縣使長吏躬自省闕而不以重輕付之吏手自是而後月解有實數州縣不困於空名無害於國而有便於州縣以及其民謀國之所宜亟圖也詔令戶部看詳討論施行既而戶部言諸路州軍合發經總制錢紹興三十

年指揮於十年內取酌中一年之數立為定額又準淳熙十六年赦文諸路州軍合發經總制錢紹興三十年指揮酌中立額當時戶部不體德意却用十年最多之數是致州縣艱於赴辦節次承降指揮減豁了當今又準臣僚前項奏請事理竊緣上件錢係隸提刑司拘催今看詳欲下諸路提刑司詳今來臣僚所奏將前後減豁指揮逐一相度保明具申施行從之七年八月二十五日戶部言都省付下福建提刑司申權發遣漳州趙汝諱到任便民五事數內漳浦縣經總制錢年額浩重科擾於民乞行蠲減本部提刑司議蠲減提刑司照得漳州漳浦縣經總制錢年額二萬一千二百三十七貫

九十九文省每年除正收外有所謂虧下錢常是補納不足昨知漳州俞亨宗於每月正收外只解五百貫邑人為之少舒今知漳州趙汝謫申請得如俞亨宗量減之數則為一縣生民之幸然嘉泰三年至嘉定五年內正收數分為三等比開禧三年分正收錢一萬五百三十四貫五百七十八文省虧錢一萬七百二貫五百二十一文省所虧為最多補納錢七千六百二十一貫三百二文省嘉定二年分正收錢一萬二千五百九十貫七百六十文省虧錢八千六百四十貫三百三十九文省所虧為最少補納錢六千二百五十六貫二百七文省嘉定三年分正收錢一萬一千六百二十三貫三百

三十八文省虧錢六千六百一十三貫七百六十一文
所虧最為適中補納錢六千一百九十二貫五百五十
九文省竊詳俞亨宗於每月正收外只解五百貫之說
則是一全年正收外合補解六千貫若以嘉定三年適
中年分議減將正收錢一萬一千六百二十三貫三百
三十八文省又補納錢六千貫文合而計之當解發一
萬七千六百二十三貫三百三十八文省實虧錢三千
六百一十三貫七百六十一文省以年額十分為率計
虧一分七厘既正收外無窠名可以指擬所據知州趙
汝諱申請本司差官取索籍厯點對得年額太重致有
虧欠合與蠲減庶幾民力稍寬均彼朝廷實惠今詳議

乞以嘉定三年分正收及補納錢參照年額與減虧錢
五千七百三十七貫四百七十文省比為酌中之數乞
詳酌施行本部據福建提刑司契勘到漳州漳浦縣經
總制錢委是額重逾年收赴不及徒見煩擾昨本州累
政知州皆嘗有請乞議蠲減未有施行日來漳浦縣愈
見敗壞考之衆論皆為經總制錢之害以致在部之官
不敢注擬今提刑司已取索簿歷見得事理分明一全
年合與減免五千七百餘貫其他州郡亦毋得而援例
從之十四年二月二十九日臣僚言竊謂經總制窠名
由場務課利而至於兩稅頭腳等錢以十分為率其三
歸州家其七隸經總制其後酒榷關征多有虧額間遇

水旱蠲租減賦所未能免而經總制之所入寔不如昔
矣猶賴以助其不及者牙契一司關印紙掌於倅廳而
散之諸縣民有交易官給紙而書其直是亦古人書契
質劑之遺意又且限之四月聽其投稅限滿則有罰告
者以其半予之法非不善也自放限之說行正限之與
放限分隸不同正限則以其七隸經總制放限則以其
七歸州用雖係守倅通簽然倅之權非敢與郡比故正
限少而放限多州郡利其所得往往放限合納官錢明
明減三之二民樂於限外投稅則匿而不到官者多矣
此經總制之額所以日虧甚者郡置一庫名曰白契民
以匿契來者首許犯人從便投稅而貸其罪又甚者縣

官到任未暇理民事而先議借契錢訟牒在庭乃以納契錢之有無為重輕如此等類未易枚舉縣給由于謂之寄庫日後設有交易必納新錢而向之寄留縣帑者方許參用則是大半已成乾沒矣浙東諸縣其弊尤甚民何以堪之竊見每遇大禮赦文行下諸郡僅放一限今諸郡接續展放無月無之公違國家成法暗虧總制額錢乞下諸路州軍自今民間交易既給官紙必用官牙人立契仍令登時申主管司附籍稽考限滿不稅照條追究姓名既掛官籍白契自難隱藏或居民去城頗遙限內投稅不及官司量欲放限亦須申明朝廷以憑遵守每歲不得過月下至諸縣輒以借契錢為名科

抑民戶並仰日下禁戢尚敢違戾委提刑司廉察接治
提刑司容縱不職許本臺覺察彈劾以聞况邊陲未寧
用度寔廣經總制窠名豈容失陷以資州縣妄費耶從
之十七年二月二十六日戶部言台州嘉定十四年分
經總制實未起發八千六百一十八貫七百四十二文
慶元府嘉定十三年分經總制未起錢五萬一千三百
八十六貫四百一十三文十四年分未起錢五萬一千
九百二十四貫七百二十四文皆係經常指準支遣之
數本部不住牒下各州催發於十五年内準省劄指揮
以災傷展免一年至十六年遂行舉催再準省劄指揮
更與展免一年合至十七年秋成催理證得嘉定十三

官田剩本內
有公用錢
錯簡七條可
移補此上

年十四年所欠錢數展免至十七年秋成催理既以經
涉歲久必難舉催無益於事本部今別行那融支遣自
後不復申朝廷乞撥還外欲將台州慶元府未起展免
錢數持賜蠲放仍劄下浙東提刑司鑄榜下兩郡遍貼
使民間知惠卹出於特恩誠為便當詔依所申並日下
除放仍行下本州府不得巧作名色復行催理及行下
兩浙運司浙東安撫提刑舉司照應通行鑄榜曉示民
戶通知各先具知稟文狀申尚書省

公使錢

起元豐五年詔嘉寧十年

神宗元豐五年三月二十三日詔司農寺於大名府公
使錢內撥錢千緡與相州及於恩冀二州公使錢內各

撥錢千五百萬緡與刑趙磁三州候遼使行舊路日依
舊撥補原數六月五日鄺延路經畧司言權葭蘆寨主
折可適等乞給公使錢千緡詔給九月七日詔詞濮王
宗暉王奉祠事宜比宗姓使相郡王歲增公使錢二千
貫厨料給親王例三分之二 淳熙元年九月四日詔
曾覲已除開府儀同三司其請給等并正賜公使錢可
照已降隨龍指揮依格全支十一月二十八日詔南班
士矩等六人生日支賜公使錢與依格全支後人不得
援例三年六月十日臣僚言諸路漕司有一分五釐錢
二分折酒錢於酒稅錢內每貫或取二百或五十至八
十大郡一歲不下二三萬緡小者亦不下萬餘緡各令

通判置歷拘收往往撥入公帑餽遺親舊乞封樁以備
水旱兵革之費戶部勘當欲依所請取諸郡籍歷參校
每歲支用剩數具申朝廷酌度令認數收管從之九月
二日知南外宗正司趙不敵言乞依西外宗司公使庫
歲給錢數每次給降不理選限將仕郎綾紙二道下泉
州轉變見錢三千貫文省付本司充三歲公使仍自今
年為始從之四年五月二十五日詔史浩已除少保觀
文殿大學士醴泉觀使侍讀永國公其歲賜公使錢緣
曾任開府儀同三司日未曾批勘特與依開府儀同三
司本格全支自降麻日始六年三月二十八日權知大
宗正事不惠言西南兩外宗正司皆有公使錢物本司

目前多是三公使相知判今係庶官換授未有歲賜公使等錢合行申明詔不恩官見係遙郡未應支給令戶部每歲特支錢五百貫候轉官至應給日住支十月三日詔容州觀察使安定郡王子彤襲封合給公使錢令依子棟等已得指揮紹熙三年二月五日西外宗正司乞給降度牒充公使錢詔下福州於合起戶部窠名錢內截撥三千貫應副本司作紹興二年六月以後三年支遣嘉定十四年七月二日詔皇子寧武軍節度使祁國公歲賜公使錢特與支三千貫仍逐月均給令戶部供納本府